



雪晴軒詩集

五古

屬句二首

屬句研妙旨
繙書去舊聞
古月有新姿
太空無宿雲
終日一茅齋
寔莫偏有欣
尚論快往指
苦心灰典墳
經史務華實
庭草不自耘
竒文發陳言
名花生枯根
適野成短韻
寸心有遠託
煙景撰湏臾
花鳥豈知昨
農務寧百年
三時事耕鑿
章句爭名場
千載成寔莫
我有
一酒樽
澹泊自吞嚼
得句傲古人
坦懷不深索

咏史二十四首

中心太空宅四壁依清貧
虛腹母萬物奇氣食古人樊
噲壯斗酒髮指當鴻門項王飲名姬
霸主私婦仁子長
千載眼高視英雄真

少年學書劍手筆稱冠軍
世眼壓塵俗大雅屈不伸
新聲濮上來嬾曼人心神
我鐘誰我鼓我缶誰我盆
一絃無宮商卑雌唯聲吞
幽芳老岩谷桃李辱陽春

延年有女弟絕世獨立歌
嬖寵且相薦賢達當柰何
南國有佳人名花無斧柯
窈窕步花枝臨風唱猗儺
孤芳不竝蒂陽春曲寡和

身外付貧賤身後託著書
昔賢豈不達身後只自愚
鉛槧獨手眼直道為毀譽
一字鍊甘苦豈知歲月徂
文章自丹青老至將何如
種花莫種樹百年樹扶踈
種花人如花種樹人凋枯

大雅慕斯人風流宋玉師
我亦傷異代杜甫不同時
孤劍嘯其雄寡鶴伏其雌
浩歌起援琴枯桐未繫絲
絕響匣流泉臨風誰與歸
我欲祖三閭變雅為楚辭

誰云戰國士揣摩工上書
當身據時勢太行下輕車
天府帑狼秦六國櫻負嵎
千金買壯士買士到屠沽
縱橫

如蘓秦其價傾名都漢唐士宇一士前王不趨廊廟晏
無事論道坐公孤文起八代衰韓愈山斗儒三上光範
門宰相不吐哺

力田而逢年刺繡倚市門馬遷傳貨殖濫矣傷斯貧我
亦終窶子流寓餘子身家有五畝宅空臨大江濱澤無
千足蠹田無千鴟蹲竹無萬个綠漆無一園春醞醬無
千塊鮑蟹無千斤一枕書高卧荒田硯不耘一庭草空
翠不土著逸民

大舜鹿豕遊蕭々木石居陶潛歸去來門柳存五株宅
身自卑隘宅心自曠如我棲借鷓鴣一枝偃菰蘆飲啄
半菽粟止足託琴書天地逆旅中解榻即我廬

雪色古月光梅影鏡美人一々塵宇滌滌々水園春孤
嶼遁林逋梅妻仇逸民石隱不居室東棲鶴雙隣我心
有遠託思求獨潔身買山豈欲高半水開衡門避人深
種竹誅茅厚披雲

五鼎主父食一鼎主父煎豈自甘鼎鑊熱中洪爐然禮
義雖我防勢利迫我前主父困鄉黨口腹怨所填一朝
西上書處人骨肉間扶剔齊王私累卵太山顛恩讐兩

排擠五鼎歛然煙

恣哉歐冶子為吳洒箭工兒女作冰炭兩劍鑄雌雄骨
肉應手斷何待屠蛟龍額淵鑄堯舜宣王鑄射鐘吳王
鑄劍鏖殺人父子中天地一索籥鑪鞴水火風居心如
金範民心蜀山銅

席嘯風與威龍變雲自神龍變魚不知席嘯百獸奔項
王嘯西楚秦人厥角崩沛公變芒碭其氣多龍文拔劍
斬白蛇祖龍猶不聞

秦人削封建又復焚詩書將生漢高聖天使秦皇愚秦
人刑棄灰促國峻嚴誅趙高族二世天使族刑餘牛毛
秦網密恢亡天網疎

項王氣益世度量非君人五霸不足友三皇不可臣獨
出秦漢間王霸兩絕倫飛渡八千人沉船鉅鹿軍諸侯
賀戰勝臣僕朝軍門北面事義帝南面冊其君一劍五
年霸一劍茅土分怒則一劍起悲則一劍歌叱咤千人
廢悲歌獨虞和虞兮不恐兮四面楚聲悲余不恐沛公
沛公今恐懷

子房翼漢高老子其如龍用晦不見首與世名與功高

祖雖豁達猜忌恐其胸掎角獵諸原逐鹿皆梟雄雲夢
偽遊畋狼籍罟與熊子房事高蹈人立犬發踪我既不
鳥射何患君藏弓

淮陰有英氣豈徒國士風將兵亦天授難與人力雄壯
哉登壇對折衝西楚鋒強弱形在眼天下勢在胸指掌
示高祖目已無重瞳下壇定三秦漢業成關中其功可
王齊何為躡足封番侯當正諫功名猶可終
寶鏡無遁形至明不傷察嚴霜橫高秋生物在肅殺開
斷裁廢政治蜀偉諸葛曆數在三分天下才一割龍卧

耕南陽風雲起漢末使公遇高光未必懷抱豁開誠亮
幼主生殺自予奪志不媿伊周才可兼三傑

羊裘一老子雙臺獨雪竿垂絲亦經綸泯跡渙波瀾下
詔君物色天子追昔歡故態喜狂奴風月無苦類大隱
自高標不可名一官卧榻足帝腹豈屑功臣肩

橫海壯伏波銅柱標嶺南百蠻勒戰功點畫劍鏑鏡屹
上此樹立頗畏崩民巖卒受羣小愠珍珠薏苡譏萋菲
成貝錦伯夷盜跖貪無乃清白士持已方以嚴亢然行
父執上禮不勞謙帝婿拜床下貴寵開隙嫌君德毀譏

口國老破美兒

馬遷信陵傳翻亡迥絕倫識力橫千古特筆書夷門丹
青寫月法月色在染雲處士愈名高公子自不群

太山重知己鴻毛輕殺身矯激戰國士刎頸如雞豚
羸與田光垂老七十春槁項猶倔強仗義勇孟賁田光
激荆軻伏尸帑狼秦彘羸激朱亥椎擊奪魏軍死黨背
公義劫主叛不仁亡義不可激亡乃禍義仁

國犬噬趙盾饑人負翳桑恩怨豈在大滿腹一壺漿
美人笑斃者國士羞平原莫捶駕馬面駸馬恥不前我雖

駕鹽車頓辱饑渴間任重而道遠緩步為息肩仁義芻
豢我渴不飲盜泉

岳侯仁無敵賁育勇莫當指以精忠旗至大氣摧綱義
聲振兩河偏安勢幾王天不祚北宋恥不刷靖康戰不
在敵國賊乃在廟堂賊檜畫兩河將軍泣倒戈三字成
大獄百戰死於和

氣象愛瀟溪開人霽月穎樹影春山明初弦落殘照緬
維大賢風翱翔天宇寬獨尋孔穎樂萬物皆有歡百世
我興起仰之喟然歎松風被古琴微靄落簷端

詠懷詩八首與樞巢行人

蘭以崖生幽松以石產古生長即礪何何曾階尺土場
師養梧櫨老農種禾黍嗟我歲寒姿霜雪力自勞不附
神農羅未遭封禪雨匠石勞一顧睥睨欲斤斧勢不可
尺繩負材空猷畝

君如泰山松我如松根苓感君通意氣嗟吸成精英我
產新安水君產新安城桑梓既不殊連理若平生我有
太古曲一弦奏同聲清風來席嘯枯桐成鳳鳴
大器忌雕斲美玉羞外飾至人盛光輝終非事顏色柰

何末俗交詐偽作膠漆同利皆芝蘭同心皆荆棘我有
同心言君其能察識君子各行己小人強同德
兒女艷桃李蜂蝶心洋々輕薄倚芳菲古樹羞輝光古
樹亦作花藤蘿枝葉香蜂蝶不敢上藤蘿百尺長古樹
一老人嘯歌兒女狂

攬々一女手盈々陌路旁上下攀其條青春務蠶桑蠶
桑正及時青春徒暗傷蠶已喜三眠繭已結盈筐明月
事機杼終夜不成章可憐寡女絲難織雙鳳凰
百尺半枯桐一半綠其枝綠枝搖秋風枯枝鳴秋悲雖

非根本病亦足驗盛衰天壽當不貳造化豈我私樂工
願之惜乃以藥石施痼疾一朝起天材幸不虧此德實
不朽萌芽數葉稀

我有一琴弦太古含其音風雷何足宣靜中時一吟夫
君沉嘿者空山和我深樵斧雲滿手嘯歌何處尋

老鶴意高簡白雲無此心唯有商山皓可以相招尋一
宿青松枝林泉盟已深歲寒結懷抱夏暑披雪襟

有友五人互相酬贈作五人詩大興方一峯江都

高凡夫京口吳孝威代州馮衡南欽南兄弟

一峯縱天趣對人多古歡松柏無塵根烟霞開心願脫
然遺世局市門一笑看生事付詩畫閉戶圖空山宇宙
貧賤窄手筆波瀾寬

凡夫江左秀一枝開日東體裁異雕飾芙蓉澹水風愛
君學選詩句法半拙工不以傷巧盡絢爛存素功吁嗟
陳梁曲何彼桃李穠

少威綜名理精心一條貫指掌示象數渾天高聞見立
論根柢盡不使物情羨清秋高岡梧霜雪蝕枝蔓朴直
自標舉風日秀老幹

衡南心開張冰雪洞古人精鑒亮賢達明月吐懷新畧
涉書劍意欲學英雄真豈能抱竹簡老儒同腐陳青
幽澗松樵子睨為薪

欽南頽然人微言標特解孤松抗一峯塵表蕩烟靄把
卷領高趣諷詠風有在澗畧今古跡精辨疑似介名物
扶理窟泉石寫清快

種竹詩七首

維彼竹數竿移來自上林植此於蓬戶瀟洒如其心蟠
根兩白石栖枝一鳴禽晨風卧匡床葉上來好音如何

我野客不住在蔚岑鹿豕失其性木石日以深

種松詎招鶴種竹詎棲鳶只可高士心白雲與結歡潔
身坐月明暑氣寧我干紅塵有俗心白雲無厚顏

種竹不兩日雨作連一旬活竹洗新月變成絕代人我

昔為文章十年學清真世俗愛桃李竹無桃李春

翡翠萬葉飛林禽風翱翔鳳鳥何不至盛世隱文章日
夕坐蕭々經史腐一堂青眼為誰施綠窻盼晨光

無風愛竹枝光彩亦流動枝葉自羽儀何必來威鳳吾
亦歷九州文章慕屈宋眷懷此皇都能無長沙慟諷詠

託古人邁俗不驚衆

松翠宜高樓竹光宜小窻竹光資目力日月鏡湖藏萬物忌逼視至人貴含光嗟彼蜉蝣子楚七炫衣裳

牛生愛阿師寄託在竹竿種此意蕭七風乎舞雩壇狂狷踈節目枝葉不自刪老學竟放廢稽古成宴安竹陰一簡編饑鳳蠹魚餐

贈一峯二首

貧賤生佳境坎坷發奇山古意抱蕭然蓬蒿戶不刪昨過君里廬無雪卧袁安有子晨出門謁客父衣冠散髮

脫禮容塵務清盤桓

清貧秀文藻蘭蕙根莓苔風人自有馨空谷求逸懷在野愛寒香為余賦標梅采七嘗一枝携之欲遠媒同芳不如春兩美多嫉才

題江寓菴漁父小影

虛舟含妙理波瀾沉古今水月渙父跡鏡物無成心我亦石岸樵偃息幽樹陰情話扣渙竿山木風好音渙樵互爾歌丹青細爾臨江風斜戴笠濯足清濁吟繪畫亦後事雅尚先素襟

石堆水仙一盆又水仙一盆則水堆瀚海石也又
石堆蘭草一盆皆崔撫軍次君玉峯為余而作凡
盆器研山實有妙墨畫致而玉峯未學畫也以天
趣得之賦五古三章用以存譜

高手堆倪迂小品標大格一石欹孤根獨立夢鶴跼傾
崖半受虛側勢讓花葉玉峯乃貴胄天趣山林適闕閱
居雅尚胸次何碑砣一石綴雲根微點蒼苔跡花根石
根出石背花面覲小岫隱几榻清嗅起泉石
水石兩波瀾花葉一瀟洒名流無塵襟天事絕土壤水

堆瀚海石七光玉潤朗水仙影二枝美人詠河廣如碧
龍泉盤檀架金莖掌太清含水香澤國結雲想悠七新
安江清淺石湍瀉竹岸迤梅沙明月盪兩槩

虛器嵌雲根鑿七疊白石丘壑自有馨苔徑亦高跡嗟
我京華遊處鶴樊籠窄卑辱儒冠尊貪受塵務役草木
欣在春藝蘭野性適學圃作探討文心花事易大匠余
假手堆石開理窟石僻媚蘭幽石瘦肥蘭葉

歲底賦謝吳侍御六月米價

讀書不干祿賣賦嘗乞米秀色多菜色名士半寒士嗟

余長夏時饘粥旬三食儒生本酸寒梅花宜凍餒我志
在溝壑所愧但妻子曾公一竿牘金鐘蒙餽遺使上書
腹飽坦上幽人起神遊新安江清淺魚見底得食仁者
粟如飲新安水每欲發歌詠賦謝復又已學耕兼兩謀
口腹養小體貧實病於詩苦難甘食齋偶愛歲閒靜幽
事自驅使破研補瓶花名山訂古史椒盤笑腐儒茶香
忘酒旨悠哉聊卒歲松柏頌桑梓

歲底賦謝汪玉峯農部往事

歲底俗塵掃高簡讀易理幽人卜貞吉吾道觀泰否

冥揚子雲身後待知己風雅如宋玉陽春寡和笑余豈
託解嘲否上亦唯上恒產一古研趣味廢糠粃輟耕歎
六經絕筆笑無史遁世與名世誰譽又誰毀日往謁農
部不謂上賓禮文酒豈釘餽太和異甘旨藜藿鐘鼎嘗
萍梗柔樣倚幽谷抱孤芳相思咏葛藟恭蒙取婚姻將
我以筐篚歲聿今云暮此德可沒齒旨蓄冬何如中饋
笑如洗山妻梅一枝清貧鏡照水處士飯一盂額公帖
乞米

王子墳

老瓦翡翠剝古殿蒼然畫氣象未百年乾坤曾一覆那
在此抔土猶保千秋後芻牧久不禁荆棘日暢茂張弓
馳獵者射草悞石獸非復無子孫皆變姓名走寒食守
塚卒麥飯聊粗豆鍾陵在大江松柏氣凋瘦

娘墳

黃土不知情金玉色速朽何代妃子墳萬古泯妍醜未
忝漢無人老婦剪春韭桃李不成蹊雙蝶亦佳耦生與
千乘君白頭一心守今日寢園裡蒼苔一尺厚鸞鏡蝕
西斑珠柙空芻狗但見石銅駝穿窳羨門扣

于公寺

國亡宦者興禮衰侯請隧峨峨羣瑤墳屹立于公寺名
雖佛布金寶則首丘計占地極形勝棟宇何宏肆赫々
天上殿慮無不帝制山嶽既隆尊陞級並形勢絕頂據
高墳直下雄其視日月飛朱甍鳴吻撲松翠居然帝王
陵龍席盤佳氣華表森突兀無巖巖拱衛上橫玉几憑
旁擁玉女侍興亡笑鴛花萼苔墜高髻何殊闈宦情俳
優至尊媚功德勒豐碑聖旨諭祠祭中有一碑橫消磨
無其字云是今御史彈劾曳在地如何彼魏瑤猶敢尸

尊位此亦殛死鼠殊非埋輪意嘆息猶徘徊僧房入稍
憩房上流水聲處上茶沸孺子進磁甌山根有佳味
遂更溯流水欲窮源所自一壁絕渾古頗奇鑿者智云
昔此無泉有客遮瑞說如此山色潤必有名泉閱萬物
夜聽清羣動靜攝細請榻卧其下去明一聰慧久之果
有聲髣髴蚯蚓嗜急持椎斧開造化不能閉沛然莫之
禦石破泉怒噬吐哉魏瑞權信有回天力

十景山

此山雖無補亦復氣飢醴發地不甚高如何覺過充以

彼衆山卑遂若勢霸王是日東風急身輕如鳥上落眼
過桃紅紛披打翠嶂老栢赫然怒摧枝忽西向飄上列
子行身世何倚傍下顧渾河濤跌蕩聲悲壯苦離南國
久江湖喜一望俄頃造絕頂僧堂坐惆悵臺殿半毀壞
傀儡觀法相穴僻多靈洞十景名難狀十洞止一洞旁
通皆曲暢疊窠如蜂房人行似蜜釀此入忽彼出遇主
笑於巷內既法界分外復包羅廣具茲物理大宜其高
莫抗

名則今上賜寺乃創於晉唐宋迭廢興本朝新鼎盛當
宁出布施諸王亦弗各經營百作集農工皆不病九牛
輦一木萬鈞力一寸鴻毛重邱山飛輓高千仞結構在
虛空臺殿何雄峻往々數里外秀色眉端潤晨春登此
山夜氣岡壘蔭好鳥同聲鳴幽花緣澗淨惆悵裊々藤
攀援非所性十載客長安馬首傷蒙溷結束衣短後嶮
巖力精進履險喜已過忽仰諸天近側身視下界聲色
於焉併此寺賜上方呵門有軍禁不得恣馳走趨踰恭
仰聖法界金裝嚴幡幢風鈴娉洪々千石鐘鏘々半規

磬香臺磐石奠闔闔銅駝釘大哉帝功德使人肅起敬

秘門魔崖

為山固可漸大塊非以積堅朴只實理虛空發竒秘願
此山穹窿宛如天益隆古今與懷抱開闢即深邃髣髴
有神人著書此中睡洞口多老樹榮枯不知歲根株鐵
色勁發辟何其力我固樵隱者聊作投荒意石屋愛烟
霞睥睨亦一世

善應寺有述

淨土作香花已非諸佛意况復虫々氓為佛壽日戲々

名安天會取義殊誕肆有物曰悟空伎僧賊天地場上
半人鬼局面皆魑魅或頭席而冠或背鳥而翅獍者牛
其角饜者猪其鼻赤髮熊人走金睛光電皆且能一身
手六出眼耳臂嘗觀山海圖物固有此類儒者知妄作
自不淫其志柰何裨官流祖此為演義梨園更番新聾
瞽堪一世禍作始皆徵其流則無忌故凡非聖書法在
所當棄

咏史贈某二首

與子同處今相得同在古古人論形骸何啻如塵土今

人稱管鮑輒為金相許嗚呼管鮑交彼豈真高賈嘖
分金事此皆後世語使管非霸佐或竟終囚虜區區分
金細管鮑何足取

十年遊燕都不上黃金臺古今事勢殊難以寫我懷每
過燕市飲酒徒共啣杯咄嗟昭王家喬木悲風來樂毅
騎劫代七十餘城隕若今一土宇九重閭闔開千金買
駿骨其用同駑駘

得石軒詩

四石卧百年介立忽千古丈尺亦五嶽風塵豈儕伍如

何禍清流恐君排阿堵此石出城西嘉惠在廢圃選勝
傳軼事賀石得賢主膠漆不自粘君子有連茹得朋在
西隣名流歎嘉遇主人葺園林畚揭載泥土登七閘版
築隣人隔牆觀高情遇指點奇石有四五不下此三尺
揮鋤即可取其言信足怪土坼石角砉未幾見金牛狼
藉相撐拄乃稱石於衡爰繩木於柱千鈞唱一曳廊廟
懸鐘簾擠之誰下石挽之烏獲舉鵬翼須厚風大力難
小矩九淵忽青雲棄鼠用即虎四石各位置拳豔競媚
媼主人兩海岳袍笏共拜舞以軒名得石如亭名喜雨
者石之骨澹者石之乳韻者泗濱磬宏者周王鼓

贈劉中翰

兄弟大小蘓金石聲律呂得石發佳咏氣格余竊許健
桃李能媚俗松柏不受塵孝標介如石天分一任真余
亦抱朴者枉道不顯伸長林可適鹿芻豢難飼麟居常
君分甘酒漿時具陳意濃自饜飫食野喻嘉賓何必羅
鐘鼓古調歌陽春夜雨過三峽流泉風一聞

水香園詩為脩况作

數蝶弄水香孤根浸一園清影汲山月東風鐸古弦聞

此林泉幽乃在阮谿邊
山中日月長梅花五百年
窈窕先春枝歲一爭雪妍

送犀岸歸里

同聲金石宣逸響別鶴奏北地
孟春初江南仲春候笋蕨
家園肥書腹異鄉瘦喜君歸
舊廬采山勝食肉昔共
菓一枝飲啄相雌伏健翮先
標舉十萬培風厚

冷暖詩

昔日劉孝標道逢任昉子
冬日衣葛帔霜雪裂臙理
孝標泫然涕義聲哭瑣尾
乃著絕交論諷刺谷風體
四月櫻笋香鷓鴣浴沙水
余也夏日裘人面薄於紙
冷暖無同祀貧困失諸已
曰余有春服久在質庫裡
算縉子母如傾囊羞澁止
望君祛行篋輶我春服抵
為直雖數金為義可沒齒
老鶴梳短翎軒上羽儀喜

壽郝副憲林

周易讓六爻洪範九五福
三事如大夫是宜敦百禄
恭惟兩進階當陞庶僚肅
激揚世濁清視聽天耳目
如鳳自威儀如麟自光燭
小子類斥鷃敢望鴻于陸
捨攘只枋榆剝啄餘雁鷺
研田難罪歲大體豈口腹
但非黔婁

妻禦冬亦旨蓄先疇原老農種竹不食肉獨於夫子前
無年曾請粟博愛仁亦歎立達義自足取與平稱物茂
對樂時育門墻桃李紅卓識方腫綠伊余抱黜桐天材
尾焦禿宗匠成不全大雅振法曲歲寒降申甫陽春頌
宋玉一頌持風憲再頌秉樞軸

謁陳南麓銀臺五十韻

七尺古丈夫湖海元龍氣一官何足名文武惟其器君
子有兼善化工無專藝進階雖銀臺聊具素其位章奏
通萬國嘆舌納於帝委蛇退自公伐冰不家食樹立非

成已溫飽豈自計吁嗟偃蓋松勁節擎蒼翠霜雪良有
託春風了無意華衣開素襟蕭散脫塵繫用世事韜晦
遊宦卜深邃閑七十畝園選勝得三四紫藤意最古空
山不知歲請作杖踏雪梅花尋古寺側有奇峯起高手
不堆砌古藤走擎攫石丈立睥睨去七洲渚遠蒲稗荒
搖曳點綴微茫中倪迂孤亭細夔州宋玉宅成都相如
肆傷余去樂土未忝誰我食臨邛無主人僦居風雨蔽
娶婦非文君遠山亦眉際相對泣清貧如何衣犢鼻賣
賦代賞酒白眼殊可睡我生後古人龔徐勞夢寐不有

公復作斯文竟淪替國工玉聲價春秋賢責備散木寬
繩削古鏡刷昏翳嗟余學也晚三十始立志壯齒無老
師私淑誰高第日月觀其瀾文章漸深詣清言寫綺語
閒情補遺事變騷賦神女史記傳酷吏狎褻極雅馴煨
鍊更斌媚大匠恹經營瑣屑成密緻文體未東漢已變
元成世一往少結構野容多率易不謂到江左浸淫入
纖麗昌黎雖起衰柳亦云救弊神骨柳峻潔十二峯峭
崿氣水韓渾雄小大畢浮濟醞釀學有年未能糟泊棄
竊笑無師琴敢請宮商試恭惟躋公堂起敬且起畏醇
儒酌鐘鼎雅音鞞鼓吹揖讓無拘謙咀嚼皆徑義余忝
有所慕百年饜粗糲依歸得大賢出處有餘地杜陵卧
浣谿嚴公枉車騎

讀董笨伯祛惑卮言

祛惑卮言文作者誰笨伯笨伯精於古便匕腹載籍笨
伯笨於官長揖腰碑砣為詩擬宣城為令似彭澤如何
作卮言自叙名理釋曰惟到官日百里旱赤地驅車將
我郊車後雲霖匕車驅載驅匕雨已過阡陌黎庶喑然
謠坎其土鼓伐誰謂我無年我侯到有麥笨伯嘖然笑

是何語楫拙祥稷固有兆旱潦亦云適譬彼孤雲來太
虛無心跡雨暘總下土天極一蒼碧又如田中禾皆余
目所擊雙穗至七穗歲有秀長發遂謂我廉吏民肥土
不瘠又如彼蠹賊豈分苗順違乃於吾接壤蝻生厚一
尺曰余實涼德胡不我忝螫凡此祥與稷天人理難索
五年官臨漳上水日洗滌拙宦優琴書下邑無繁劇訟
庭靜蕭齋民居穩安宅七月豳風吹五十皆衣帛蜡臘
祭雞豚父母饜肥腩黎民不飢寒庶免令遷謫不謂亦
報最行取來帝闕出仕守儒素容膝陋門閥無悶託著

書有酒且今夕

贈馮衡南

郎乎髯而頎才力何候上筆氣如虹上馬轡如組雄
心細友生大兒目文舉小子敢忝竊惶恐首欲俯生平
學建安且愧楊德祖何敢望成名風雅欺無主下馬古
戰場阮籍登廣武輕彼楚漢爭英雄妄自許兵嚴詩律
細知希唯杜甫少伐齊古人節制獨旗鼓用古如將上
天授非力取

賦得依雲軒竹壽樞臬行人二首

蒼雲濕空翠宿雨含煙枝几榻坐清陰書卷霽霏乚此
竹風所植先公令德基日月膏澤深根柢苔痕滋蕭森
孟夏時燕翼風參差亮節馨素芬高文澹清暉
旦氣清孟夏生意新幽篁嫩綠老眼青纖枝引興長况
復值良晨青霞標崇岡一室擁高柯天宇澄碧光秋水
物外遊竹葉杯中涼澹然足清讌何事笙簧與簧美質抱
虛植晚節朝露芳

崇祀鄉賢詩

蔚然關中儒俎豆當兩廡學醇無世疵明德馨萬古異
世考其行百年同日語先生力為仁即事悅堅苦庭闈
有餘歡孝讓無少恕春酒挾琴瑟浩歌速肥疇稼穡務
甘旨詩書耕園圃丘壑事深趣宦情竟棄許雖已掇甲
科一官棄不取松栢有逸心託根原草莽今古曠俯仰
塵務澹不取有子新所學經史讀不腐廟堂發奇言剛
柔莫茹吐立義信寮友高風可延佇乞言闡幽光懿行
揚諸父崇祀立鄉賢歸仁亦區宇

贈汪玉峯秋部

秋部秋水清温之骨如玉謙光與人恭太璞自遠辱書

卷氣含德醇粹理不利如何大雅宗軍儲作監督儒冠
揖武弁武庫領倉局淵博事會計翰墨汚竿牘日夕不
遑晏經月一歸沐南城衙齋虛夏暑蔭花木鼎彝發幽
光湘簾澹清旭子史闇然章几榻黝然綠諷咏雖未暇
懷抱夙已足公往居桐鄉祭酒推老宿號召吳越豪樹
立名場蠹維時竹垞翁詞場起逐鹿相與君征繕百城
書版築

三君詠

陳滄洲

長沙起衡岳氣完力根固剛大有充塞事功亦陶鑄去
位且著書蹉跌更軒翥太行何嶮巖英雄非濶步

周策銘

寒谿學濂谿風月變風雅名言洩理窟元音擊土壤居
貧庇友生寸心寬大廈戶牖東西闢一卷太極把

張日容

匠門朴不斷器大理密緻用精偏在粗達觀若遺視化
雕有完璞率真少疑事宏綱守六經不苛百家細

送汪碧東農部歸田三首

幽谷有農部朝端無斯人素襟貴不易好爵淡自嗔出
處非達識北山嘲移文蕭亡江東秋湖蕩菜有尊食祿
家可肥食菜道不貧鶴放莫張羅天風濶難馴
五嶽思結廬煙霞成我家如何客長安硯耕為桑麻石
田莫望歲郊木難萌芽根柢空六經霜枝春不花抱琴
送歸鴻傷余阻蒹葭山水問漁樵何日買釣艇
閉戶遊名山畫裡覓丘壑貧乏一朝失頽厨空寂寞我
有花鳥冊老友清淮作寫生但寫意高人多簡畧更有
蘆鴈幅分手贈別鶴萬里道衡陽回鴈峯寥廓

壽襄陽程阜山明府

結交在衡嶽寸心高白雲思君如岡陵作歌頌良晨漢
江桃花開治縣百里春樹人如樹花一水花一村緬維
古襄陽耆舊多逸民仙令饒丹砂壽考亦作人道遠不
余棄尺書時具陳相思雙鯉魚楚頭吳尾尋慙我不諧
俗賀我成婚姻因風勸南歸越鳥莫北群歸乎當及時
桃夭詠蓁亡余豈不奮飛萬里致無因羽儀望青鸞翼
我上崑崙

送洪琴嶽判汝州

出判山水州維古潁川郡汝水清如何下車宜一問恭
惟尊大夫出守多善政君雖初筮仕吏治熟庭訓譬彼
泉流甘土產自芳潤又如玉在山其下嘉穀蔭潤澤古
井田治隆今堯舜前旌發帝京臘月朔風勁之官道江
南椿萱一省覲行七春載陽梅開數枝嫩

歲底詩

耕盤人有馨世味澹自飽所苦在糟糠饑冷多懊惱對
面雖為容眉黛情如掃背人作聲苦使我氣短小鑑水
弄曉粧豈辨顏色好區區脂粉態磨滅英雄老歲事日
以迫疲馬困遠道饑驅遇猛虜五步不可保儒生偏沾
滯被絮行蔓草幽人原坦坦出處何潦倒屈指即除夕
晨鐘愁如擣途窮逢歲終緣木如緣杪

壽郝少司空

立春後四日少司空之壽北闕南枝先八千大椿茂恭
惟國柱石間氣負宇宙水土佐平成工虞贊我后天吳
砥狂瀾郊藪樂仁獸繫我麋鹿群啣芝豐草伏此芝可
壽世生逢太平候未遭神農嘗不階寸土藉靈苗本無
根蒼苔亦清厚采七賦一枝躋堂申天祐飲福匝百巡

萬舞金石奏

王志山編脩太母壽詩

壽母如梅花清節折女字盤錯立雪根莓苔篤生植恭
惟母有家孤標挺厥志駕鸞時獨宿雄飛去求食去已
關河深羊裘盧龍敵一劍不備身長才短貧地饑驅躡
潤步狼跋尾載囊無夢嘯刀環深閨剪髮髻寶婺孤光
曜鏡匣海月閉晨星問堂上昏燈不遑寐慈母兼父師
課子名盛世天章吐五綬厚風培兩翅

吳五峯太翁太母雙壽詩

隴西有古豪清剛力自克堅苦亦大勇喬松霜雪直一
研食八口虛腹空飽德據義却米困氣帥奪志壹終歲
惟食貧學耕不自給冷黠斷孤雲謬作煙突出阿母掃
秋葉清泉煮芝朮由来丹穴鳥雙棲餐竹實令子亦羽
儀飛上京邑腹笥載父書鳳毛貽燕翼出谷與余友
同聲日鼓瑟文采何相憐晴沙浴鵝鵝

閩中秋集周太史齋送臧中甫歸江寧任覲省

微雨濯太空新姿見古月明已又此多疊已挂雙闌玉
堂出銀盤盈虛補兔魄賓朋多素心懷抱如合璧余豈

盧仝儔吳興有詞客陶汰茗雪深平澹造碑碣言歸石頭城潮高帆一尺履冰慎遊子見月思白髮

壽江屯田播五

水部家江村黃花豔籬落水部客揚州梅花咏官閣水部官長安繫余桑梓託吁嗟樗散姿不中輪扁斲老朽空蠹簡筆硯事耕鑿恭蒙麥秋時雨我石田涸信美新安水自不同涇濁古井汲六經清德潤太璞吉士不家食自天申好爵大斗為君頌一樽太和酌

補李五世兄去夏索贈詩

去歲榴花開公子來京邑我居亦木石門徑蒼苔澁我冠階而趨野老笠而揖陋巷敦式廬下交豈父執恭惟尊大夫帝京出奉勅學政莅八閩玉壺明卓識古學竊好我請序先公集先公學如何蜀又老泉出源上岷江流六經古深入寸心導三峡末流迴腕力公子亦瀟洒點塵清不及潮洄寫波瀾晴沙浴鷗鷺往出一統扇欲余贈篇什匪病手迂緩實以足寢疾輟耕非惰農墻東卧研北豈其妄述作真宰罪吾筆咄上床書空悠上老暇日又見榴花開昨詩今補輯

與馮樹臣使君索畫

廉吏即畫史丹青亦書卷禹貢古藍本書畫同一研使
君秦中來妙手又生面游藝漸流沙南北波瀾變五年
戎馬間鞅掌長安縣日夕終南山城中翠可見城外清
渭流素心澄匹練翰墨判牘乾圖畫徵糧欠繪事日沉
鬱我有三尺絹請君一筆寫越嶠秦山半秦山氣高完
越嶠影蔥蒨

代張京江賦得黃山歌為某壽

金焦二芙蓉日月根水底黃海萬丈蓮天風墮雲水我
曾御氣游飄飄如列子山海兩不測浪花沉石蘂出沒
鐵船峯雲過忽遷徙洞府負鰲背蓬萊魚腹裏斧鑿疑
造化丘壑為弔詭月窟開絕壁產松匪名理石月何娟
上月松何矯旒側身蓮花上九州脫敝屣蓮心與之清
蓮砂食何羨身輕自羽翰去天驚尺咫蓮花竝天都萬
峰肩視趾閭闔通一氣天柱雙竦峙開闢鎖雲門仙真
閼邨第松翠耀宮闕夕陽射青紫盤上軒轅臺千丈升
丹陛我欲問真宰朝元拜玉几偃倭何老人鉛背一峯
起混沌即黃耆曳杖太虛倚北斗挹酒漿南山歌福祉

舟次嚴州詠霧中雙塔

江船曳白雲天水混無外豈入星河中山川落下界驚
彼二塔出飄飄何所載絕地根虛無干天欲觸礙忽碎
白雲中一塔半破敗忽出有入無二塔一墮壞忽送長
風行詭變迭進退色相總不真過去非現在老僧空頂
禮低頭白雲拜

飛來峯

斯峯僧指名如鷲飛來伏合撰判何年脉竟分天竺清
光絕湖山抗塵出樊陸茲峯測其高絕地十仞足茲峯

度其廣可占十茅屋茲峯狀其秀瘦壁少土肉間生春
秋花畧產脩纖竹其頂多嵌虛其中竟空腹石心洞見
根數人可行腹風通細作籟日影碎穿目隔水有茅亭
六月冷泉綠

初夏入岑山訪胡濟武二首

晨興入空山草露霑我巾山中暑未老山氣猶半春下
葛上單布風疏四體溫村落意自幽不必擬避秦曉月
落在松上下數白門三四古貌農慮朴無世氣耕稼息
機智亦能善子孫何如招我友廬此山為隣

行已漸阻深稀有人踪及獨我青鞋來踏破綠苔色茅
亭蒙落花小橋橫澗出流石悉成形如貝如沙蟻飢鳥
迎人啼駭獸亡群逸憶吾兒童時避兵曾此入阿姊把
我裙祖母啖我粟嗚呼今太平不如避兵日四顧荒山
中孤生訪知識

送胡文儀之吳下

惻已送遊子粟已天風號江海逐雪帆客心繫波濤壯
士無別家天地送旅逃越王臺上月伍相祠前潮孤踪
澤國遊慎無蛟龍撓

歲除三首

臘月已至晦缺園何所營葺籬遮歲杪讀古拒今情披
削竹書餘闕文希發明太始遮春秋王霸幾歲成
市井競錐刀決命換桃符往雖日月長勢不賒湏臾萬
物情皆窮孰能羨其餘利源流竭久不在歲除枯
穴地燒松火土室生輝光短褐不蔽風四以松火防煮
梅為枱盤味餘古鼎香守得歲寒姿自爾能芬芳

外集明十三陵詩

長陵成祖

翠嶂四塞起閭闔中峯開萬靈肅真宰星辰高夜臺異
代草莽臣下拜伏蒿萊精爽凜咫尺天威猶在哉帝力
拓武功帝心多雄猜同氣事征誅謗口悲蚊雷恭唯湯
武聖豈曰周公才軒七鳶鳳姿寧復鴟鴞哀頽垣覩殘
杏單禽自和諧逸響如簫韶幽興動孤懷濶步攝短衣
陵園上崔嵬殿陛何堂七功烈宇宙恢規模竟開創繼
世無等儕祖述雖高皇憲章有獨裁丹宸倚北門大漠
閉塵埃華夏手潤色日月輝秦階煌七德休明漆燈萬
歲埋華表屹天柱龜趺壓莓苔黃瓦黯古色羨墻剝劫

灰一姓永不祀九州餘土坏風雨十二陵沙水莽護廻
松翠擁金闕山光返照來

獻陵 仁宗

巖岫遮重複深居坐垂裳赤舄履坤輿玉几橫平岡於
穆仁廟風朱弦三嘆長無逸誦法宮享帝開明堂猗歎
二祖烈浸爾熾而昌陵闕朴茅棟廟堂古文章落花愁
土階巢燕香空梁異世同宇宙覆被功豈忘生民脫戰
伐萬物欣載陽歲寒雪數枝太古春早芳天道一消長
王道一弛張高曾創草昧龍德乘乾剛松柏挺勁枝治

體如嚴霜

景陵 宣宗

仁宗含元善御宇如春溫宣宗道大光景星開夏雲潤
澤太古色制作商周文清廟弦幽風大雅厚生民有明
王基業后稷播種勤肅心瞻寢廟氣象何氤氳翠微擁
絕壁負荷帝座尊丹梯落三台嶽鎮朝百神對越自儼
恪天顏威嶙峋維帝貌龍髯兼善文武身紫宸脫袞冕
戎服巡邊春玉關麾白旄天狼驅帟賁玉顯光祖烈彊
塲墜後昆丘壠穴狐兔喬木樵斧薪大厦一不支寸土

皆分崩陵軍四五輩雪涕余酸辛

裕陵

英宗在石門山

天闕開石門日月閉金紫四壁松風雷一谿雲雨水龍
馭北狩迅鼎湖骨蛻此北狩土木變國亦無人矣王振
豈博徒當寧呼盧起萬乘作危注元音棄故屣漢馬鳴
邊風南轅驅北軌大漠卧穹廬千古蒙塵恥塞婦白雪
姿豈妬春花美天顏拒婉容玉玷羞國體蒼涼寢殿上
雕梁雙燕子一帶紉一后黃土相終始幽樹叫珍禽野
婦摘嘉卉丹陛塞荆榛寶城崩堞雉邊功正統墮不張

弓乃馳文墨觀軍容干城守殘壘如何帝復辟柱國功
臣死國存君可歸國亡君何以棄君即歸君立君為君
耳萬古弔孤忠湖山墳仰止

茂陵恭陵

憲宗孝宗

成弘雖季世君皆中古賢維時風物何秋新花春妍橘
袖猶綠村我稼未公田餉饁亭午餘農力稍息肩正統
復辟後景泰監國先授受俱慚德盜賊亦中原甲兵禾
黍刈民脂兩稅煎故事半古功德自倍郵傳二陵接風
雨濃陰濕漲天雙闕高晴空日月萬松圓二陵慶裕西

獻陵慶東偏自西松徂東樓館松門懸茂陵恭陵東稍
深一山川幽谷抱野趣土爨乍孤烟蔓草幾陵戶麥飯
時豆蘩

康陵

武宗

獻慶五陵北大麓巨壑西中湧十丈蓮金闕高晴枝天
根雲山遙登高乃自卑怪石奔馬首下馬行涸谿涸石
如枯魚僵立猶踞上逶迤漸岡阜俯仰蓮花低不信所
歷高平庸亦峻竒帝王自堯舜叔孫窺仲尼武宗兢武
功威德乃陵夷十萬下畱都烏鏢豈王師天子去帝號

盜兵用潢池山景光細路風林聲犬雞復辟轉馬首康
陵面始知峯影寫樓臺東日天宇暉

永陵

世宗

世廟侈其制嶽上驪山雄氣壓諸陵壯豈曰中興功反
正非光武嗣統承孝宗大義無小仁尊親有殺隆興獻
亦廟號烈祖何異同恩過德乃涼君惡臣乃逢青上陵
上栢空心枝葉穠張璪伐國本斤斧亮天工

昭陵

穆宗

谿峻石湍悍山深春樹寒穆宗溫文主陵制朴不完半
亦毀劫火存或瓦數椽朱扉苦塗炭明樓空凌煙王室
竟如燬春秋災兩觀穆宗在諸宗庶幾憲孝肩宰物能
持平容受稍不寬歷年雖未久風亦千載看稍西山之
趾不知何寢園枯影集歸鴉落日人愴額上棟壓下宇
美惡不蔽垣輪奐豈常新古月半缺圓

定陵

神宗

定陵遙望在長陵五里西乾坤覆土宇宮殿無子遺嗟
帝享世久耄年多庸違國本久不建既建伐其枝太子
苟申生鄭妃將驪姬神宗不獻公宦寺無優施版築新

紅墻寬敞無舊基禁寢已離黍銅駝空斷扉是日弔思
陵歸馬赴斜暉我欲叩帝閣巢鳥閉巢棲少陵哭杜鵑
楚狂歌鳳兮有明何德衰慶曆已陵夷國勢至烈皇寶
亦力持危朽棟壓百年千鈞輓一絲亡國偏有君名世
乃無時日落獸穴嘯馬鳴風沙吹壑阪牛羊下煙水縱
橫馳暮景足怵怛往事殊涕洟山澤古無禁末世事刀
錐漢武籠利權平準物昂低神宗乃鑿空開礦陶沙泥
安石行兩稅民猶餘羨竒壑斷賤丈夫萬曆盡銖銹利
盡府庫充民窮盜賊資

慶陵

光宗

黃山二嶺上慶陵巖穴幽岡岬起虛中草木衍平疇苔
綠豈蘭蕙深松可冥搜幽討足身世禁寢梵宇遊宮門
閉蔥蒨殘日落明樓碑碣黯淡光弔古亦何愁光宗為
太子危於驪姬謀男子宮持挺可識國與仇請誦黃臺
瓜神宗無鄰虞

德陵

僖宗

天心將革命光宗不永年秋花餘一閨悔月更孤圓禍
亂速僖宗歲終欲凋殘魏璫秉國柄天子成具負朋黨

陰把持甲兵備中堅投犬鬪東林席唾一席餐把劍彈
長虹前星光自寒闡茸氣高張掃地極衣冠天或祚明
德光終第早肩破爛猶山河國勢或危全思陵痛坯土
德陵峻極天功德無尺寸土木形骸憐

思陵

國君亡國辱帝德無土光廟陋非帝制大義自堂上請
隧斥晋文出狩書天王乾坤雖易位英烈謚先皇老柏
媚新枝殘花艷夕陽麥秀歌何人殷墟泣大荒廢院沒
階草早宮及肩墻橫岡續斷嶺孤墳穴莽蒼當宁元陽

九有君無臣亡股肱剪宦寺元首死綱常披髮跣一足
血詔書下裳不赦在朕躬勅賊無民傷鳳死鳴豈哀龍
戟五亦黃勿謂天聽早千載何煌亡梓宮一芻狗南面
竟北邙白楊歌薤露青蠅弔國喪有明國勢壞如蠹蝕
廟廊腐儒飽梁肉水旱釀糟糠盜賊伏朋黨大獄訟文
章

貧居菊花

無營甘屢困賜也吾豈敢貧如秋水清人有菊花澹貧
居靜者性流寓偏京華恬澹防素心藩籬以菊花貴人

宜牡丹幽人宜菊花草木有本性秋實不春華名花負
逸姿處士雜華堂淵明獨飲酒三徑聊就荒尋常籬下
物何幸得淵明笑人非草木名士不關情

同邢卓哉古剝樓王玉生沈耕園集紫幢主人茶
聲館看菊即限菊字五古三韻

茶聲人語清無營即事足一觴可詠陶四座客如菊紫
幢雖朱門朱門心白屋

題王玉生課圃圖

士農本一致學圃亦清課教稼如治經夜氣晨窻坐杲
上花欣上生意急昏晝晨興命僮僕町畦事耕耨佳士
如良苗荒穢在稂莠

雪晴軒咏菊

灼上黃金花朝日雪晴軒黃中豈間色雜與桃李言願
盼羞傾城只可結古歡

灼上黃金花淡然如我貧匪唯富與貴貧亦視浮雲草
木有本性德馨不艷春

灼上黃金花秋老蝶不嗅冲淡豈世味幽人多寒瘦清
泉煮白石飲和鄙食肉

灼灼黃金花霜枝媚雪晴不艷豈散朴含醇自太清淵
明欲韜光維與醒者明
灼灼黃金花秋日不蕭索如何甘後時靜者無媒妁不
有陶淵明物色誰籬落

雪晴軒詩集

七言

題山水卷

一斷一續山水根一滄一桑宇宙痕此圖筆力禹跡鑿
穿峽出水開龍門波瀾溢處成水邨江亭半出菰蒲溼
丘壑平澹先入手太行烏鼠漸崑崙一塢人家藏白雲
太古不到濁世塵瀑布屋後挂三疊清響書堂時一聞
塢口盤行作棧道攀援藤葛危嶙峋峨眉一望蜀山小
近伏遠脉早承尊此圖連山千百里一水再見吞吐新
曲磴短橋誰問津浦淑港汊萬派分虛無外浸江天小

葭菼中藏鴻鴈群空翠水源遠又斷峭壁橫絕枯筆捫
古寺松花石路皴土墻剝落冰裂紋掃除凡近獨老手
開創生面見古人老佛色相妙不真

贈答京口湯南琛

住山十載心太古靜思六經一以清沛然文行禹行水
打破理窟波瀾成近喜京江湯南琛不肯文章塵點生
曠世洗刷新宇宙放眼金焦快雪晴漫作長歌投贈我
連山疊水序次精丘壑斷續入窈窕絕似鄴道元水經
古風今日少陵絕草蛇灰線法不明黃河三折入中國

水或伏行或逆行汎濫龍門狹一束怒觸底柱萬里橫

大落墨歌送王孔昭遊大梁

王郎呼酒大落墨賓客縱觀月一堂伸紙樹影已滿手
心手書畫渾兩忘寒鴉露重不點眼晚山葉稀暗染霜
作書意復如作畫顛筆拖帶藤蘿長鵝谿丈絹雜真草
蕭疎數行密數行野納脫俗謝邊幅老梅入古發澹香
絕代氣韻嗔白眼嗚呼幾人知王郎神于用筆拙用世
囊存一錢空文章寶劍篇出壯聲價亦豈能充信宿糧
擲筆起折蘆橋柳梨花踏月走大梁七園為余弔梁王

胡樞巢行人口述登蓮花峯諸勝屬余歌以紀之
蓮花之峰樞巢登白雲擁後前導僧列子乘風總奇氣
鯤鵬十萬虛無憑僧指蓮花驚一顧天根半折扶烟霧
奇特難忝造化功懸絕恐拔天風去山半之橋大如著
徑寸之人鳥飛度百丈之梯雲接連咫尺之天手攀附
削跡雜階飄渺身一望迥絕烟霞路登眺未離畦步遠
梯橋對面失轉眼仰視蓮花但見根石根臃腫如孕身
便七鼓腹不可捫行者偻倭如鴟蹲坎不容跣難接踵
一線天開窺藕孔人入玉壺升壺天孔如泉眼人泉涌

前出者憎後樞巢漸携法界蓮花高始驚橋大向如著
今乃天矯長松喬薄水深淵思劬勞髮膚身體輕鴻毛
更苦飛梯心搖七樓季當之不敢驕遊山不啻如破蜀
鄧艾裹氊下錦竹老僧作氣獨先登樞巢鼓勇魚貫屬
喘息小憩香砂池斲砂飲水療飢渴其嗅輕清作蓮氣
其飽絕勝餐商芝其水上可日月落其嶺小與蓮花齊
丹梯更踏雲霄七踏到蓮花心自改黃海之狀無畫師
黃海之奇疑真宰峯七崛起皆虞王石七追琢成圭璋
五岳之外獨南面藐七大哉天子鄣宗廟百官無不有

軒轅臺上朝群后天都萬仞不可臣作賓于王居上九
其餘峯壘多肖物指說欲破談天口石丈耕雲驅一牛
白雲片上犁悠上桑田萬古豈滄海石爛何年有鉄舟
鉄舟峯旁又一峯狀如蓮葉蓮花東鉄舟自日泊其下
玉女采之無由從金鰲洞噴雲濤風前海浩莽後海封
日月飛出爐冶裏世界逼入金眼中倒射蒼翠壁上松
亘天松石雨後虹脚底但聞雲外鐘宇宙更闢豁我胸
掌上看去衡岳小六朝點上烟花紅

贈胡樞巢行人

樞巢先生官行人小春之月七下旬梅花急發江南使
一報萱草堂上親函封已畢揖客語座次酒出萬里神
吳樹越烟昏雪霽南枝北枝返照春蒼然月色洲渚落
蘆汀鴈母將雛屯先生素無仕宦意實迫母命非為貧
松菊晚香酒滿罇稻蟹秋熟菜有蓴扁舟板輿赴山水
大布皂帽尋隱淪自放宇宙固所志局促一官安足伸
聊效散負娛白髮漫同宦隱依紫宸宋子出席起為壽
如君材具真王臣行人之職古所重出疆銜命憲典申
泰階淨靜無風塵國步安穩行麒麟

題汪千波比部黃山采藥圖

畫師開山寫生面峯已散立如逸人傲然石貌無土肉
白雲莓苔衣滿身有客服蘿薜嘯歌草木春清癯山水
骨眉睫煙霞皴丘壑逃軒冕散髮不葛巾長鐮直倚始
信峯造物無理疑畫工斷脉已絕奇不絕孤峯欲窮雲
不窮灑氣瀟漫乍山海風雷驅除忽晴空照徹朱砂一
峯紅松苓琥珀金融已

城南刺玫園古松歌

土產之松歲一尺石產之松歲一寸此松土產五百年
如何松身無一仞自古奇材多崛起安在有土不能奮
松柏之性生也直帝城日近干霄易偃蹇自失青雲姿
頽放獨尚山林志幽人蒙俗來訕訊神魚處陸遭軒輊
尺身丈幹側勢橫騰枝西走東孤撐西走不極蓬東曳
婆娑挈攫翠蓋擎螭踏蛇行踪跡變迴枝複葉厯亂生
枝大於本何臃腫偏承力有萬鈞重扶桑倒海天南傾
岳虞半群孤忠捧俯視見葉不見枝風濤洶湧潛虬吹
仰視見枝不見葉長條膠轄短蛟狎龍身不藏龍不神
山水不屈勢不伸松喬天矯乃奔放霜皮剝蝕方雄渾

此松記年當金元幾經草昧干戈剛豈於根柢即摧折
枝壓沉亡太古雪坤輿積厚氣抑塞竒情旁出翻橫絕

黃山思壽吳秋潭

黃山思歸何時精誠呼吸通帝座夢登軒轅臺丹梯鉄
綆千尋猿上下藤蘿百丈花歲蕤謝眺驚人句郭璞遊
仙詩十步長謡五步嘯天籟橫風人籟吹亡亡直到丹
臺頂天風撲面俗塵冷拍手一笑肩洪崖捉襟入座肘
吳猛吳猛古仙人桃花二月春何必義熙稱甲子且忘
獻歲守庚申軒轅之臺軒轅來冕旒南面五嶽陪秦松

漢柏翠蓋擎老人玉女絳節開共爾下土臣涓埃南山
北山頌有臺

同胡樞棗程阜山洪雨平過吳秋潭寓看盆梅
好友不啻好亡色見梅何殊見古人胡瑗程藐携宋玉
去看少微梅一盆少微貧宦那辦此壽日贈自洪鄉親
根株既共吾桑梓臭味無如爾澹真拳石寸雲亦太古
隻蝶一峯皆早春傾壺其下香拂席去國十載夢傷神

雪膚精廬僧煮茗濕烟冷月磬黃昏

別駕行送黃孝孫羽南之松江任

別駕展驥足昔稱龐士元今日聞曾君又稱黃孝孫官
資但惜與古異別駕司馬皆散地寸有短分尺有長上
駟下駟控一韁今之騏驎雖如古範我馳驅非王良宋
子名山遊文章努力不進羊腸僵載籍等身徒負重鹽
車當臂嘲螳螂孝孫招余軍都遊颺颺夜月啼松楸鶯
花異代媽紅歇芳草皇州愁旅客史筆無位束高閣飢
驅盛世隱飯牛褒貶謬為孝孫傳竊取其義如春秋嗚
呼胡為孝孫傳童心股肉香一片抽刀猶作刈蘭馨庇
足能存代蔡見孝孫今將孝作忠出佐大郡輶車攻吁

嗟一驥駟五馬牘判紙尾同鞅掌調良吉行赴國步勿
作驍騰絕塵壤朋友古道貴切磋他山之石玉可磨况
我與君實親故豈比泛愛為腹阿吾徒之道在共濟有
須叩友歸渡河吳淞之江三泖東余將訪古求龜蒙陂
塘稻花藕花紅闌鴨養鶴租賦供顛授水田一百畝焚
棄筆研學老農

春日集聽雨樓

山居不得當樓居飲酒不得當讀書坎口有酒誰滑我
君家兄弟好客無烏粲洒掃潔庭宇軒窗樹木青眼舒

樓居看山愛林杪山翠濕樹遙扶藜此樓西山眺憑几
樓居不啻山居如頽曰聽雨取義好最好春暮兼秋初
鷓鴣烟外數聲後梧桐葉上一點疎幽夢山園落殘菓
清絕澗音流細蒲此時宜琴亦宜酒何必住山與住湖
昏曉却聽帝城裡多少寺鐘烟雨餘

贈秋潭

玉虛之觀長安西今之秋潭古少微名流恥同絳灌伍
詩體高與吳富齊松頂鶴歸白雲落塞上雁來紅葉稀
往日造句自森秀寥亡賞音余庶幾閉門安可學種菜

彈鋏何如歌采薇孝廉揀選為縣令五斗艱疏先忍飢
朱門鼎食雜饕餮敝衣羸馬羞輕肥名流多出抑塞裡
佳話多生貧賤時境苦只益詩思妙文傳何必今日知
余之迂疎在學古君之貧困在工詩茶借黃冠丹竈煮
泉同杖錫白沙移曾以頽公帖乞米嘗同范老粥分蔬
授餐昨向曲江去拂袖移時彭澤歸先生豈能為食客
腐鼠只可喂餓鴟歸來搜厨得餘粟一笑漉酒倒接羅
中秋已過又重九哺糟既罷復啜醪

梓書歌贈程阜山

眼光萬丈蠹簡青世態百年頭顱白屈指春秋五十中
信宿乾坤懷古客身後事業真等閒千秋書卷空名山
石柙鉄函終腐爛丹青漆畫徒斑斕我亦著書盈尺寸
歲月精華經史潤雅健規撫兩漢風清真洗汰六朝病
雪橋凍壑一樹春老幹晴花數枝嫩寒香在野原不知
幽人遁世夫何悶即今東閣招文儒廟堂執政皆歐蕪
宋子如何不上書金臺覽古空十載昭王宮館憑廢墟
誰為鄧陽誰相如梁園漢苑久荒蕪紅塵馬首衝九衢
高歌時倚酒家爐醉後殘編與斷紙笑投一甕年積累

醒眼模糊看自憐孔雀山鷄愛其尾裝成卷帙次甲乙
聊成一家言自喜京山舊宰偶見之欲余雕板市梨梓
寶之不啻卞和玉持之欲向楚庭哭玉人治玉猶不知
文章知己宜乎稀

贈蘆中人涂幼青

板屋蘆花開市井蘆中人兮鴻冥七帝秦蹈海笑魯連
剝水殘山笑箕穎蘆花板屋非水涯長安大道連狹斜
日向當爐沽斗酒譁浪老態頽如花先生楚材亦吳產
父宦姑蘓占籍版赤墀風流祀岵瞻君家堂構何宏遠

出手吟成橫槩詩舳艫千里東風滿潮落黃昏水寺鐘
斬王戟鼓金焦晚蒼涼南國舊家聲燕山老去空文獻
板屋柴車響塞門童蒙句讀叫朝昏師尊祭酒為學究
康莊舍館如荒邨硯田麥秀多不實時糴太倉米自給
唇焦黧下歌負薪髮禿風前笑一櫛由來高隱愛食力
槃散斲者自行汲今無濁世佳公子誰斬美人頭不泣

壽廖少司農蓮山先生

葛洪昔為勾漏令煮鼎餐砂頰紅霞司農亦為白岳宰
飲水治民心蓮花學仙仁民皆足壽松貞柏固原徵久

名山博厚生棟梁碩果根萑孕宇宙天心要需濟世材
白岳報最擢烏臺赤縣紅塵高十丈朱纓白馬御史來
麟遊郊藪芝草活鳳立朝陽鷹隼開彈劾羞為鷲鳥舉
鯤鵬豈復烏鳶猜即公當年宰白岳愛為卵翼惡鞭扑
減獲婢妾咏關雎女蘿兔絲歌麟角白岳土風婦多妬
青衣恐使青春悞垂肩白髮尚了髮標梅挿髻傷遲暮
公出行春笑見之風流美政沛然施豈獨鳶鳳聯頸翼
亦須斥鷃合雄雌人倫豈復偏良賤教化須先型寡妻

壽萬授一太史五十

明州太史眼底無豈徒著就名山書蒼松愛爾歲寒色
大節可託六尺孤蒼松巖上高百尺上覆卿雲下盤石
女蘿嫋々綠千絲雖鶴飛々白一隻嫋々此綠蘿故人
女秦娥飛々此白鶴故人子青雀六尺之孤雙男女千
秋傳去亦佳話太史親為授父書夫人手與裁荆布豈
徒王衍呼寧馨且欲向平代婚娶弘儒愛物無私情乾
父坤母本西銘推之萬物一忠恕匪曰立孤效程嬰太
史家學精濂洛太史天材復浩博游藝書工顧八分象
形會意氣磅礴由來點畫貴會意何事拘々師大義甄
鄴改定古篆文籀軋抹却太玄字中郎石經榻模糊周
王石鼓文疑似近時谷口獨瘦硬此日太史兼道媚何
不寫成所著書並與石經相鼎峙况公正在學易年當
壽萬世光簡編

寄贈董臨漳扉雲

讀書萬卷宰百里函牛之鼎烹醢鷄大庖小邑代樽俎
太和飲人無醇滴恭蒙董侯昔有餽以瘠自處分余肥
知我六經味甘苦寢食百家忘飽飢玉粒腹空張儀米
桂薪爨冷郗詵枝維時蕭々金臺秋尺書慙藉宋玉悲

由來大雅惜同調，絲桐太息知音稀。
董夔抱琴宰臨漳，七河悠々此日誰鍾期。
大弦春溫政令平，仁聲治人無繁思。
小弦秋清法廉辨，義聲裁物無小慈。
余為寫聲心，含悲鳳皇斤，鷄同藩籬。

長安雨

長安正月常不雨，去正江南雨翻盆。
江勢壯往洲渚動，江聲抑塞谿壑吞。
大船城下截網罟，小船樹裡出渡人。
是時我作白下客，濕巾泥襪愁出門。
晴明白下花最盛，三春實可傾命人。
城上水邊佳麗繁，女墻遥帶花姍娉。

是春無復鬪天韶，風雨摧花亦何橫。
不謂長安正月天，花燈方罷東風顛。
細雨初春雖無力，霑泥冒樹亦纏綿。
桃固未苞柳已孽，烟漸欲禁榆將錢。
但恐雨過復作雪，亦同南國花可憐。
長安南國兩年客，暖則苦裘寒苦絺。
等閒花事何足言，但恐雨暘時好送。
去冬長安氣已春，地脉轉南天道易。
吾須預蠟屐幾輛，長安車轍深三尺。

浣衣歌

三錢買苦泉，一斛赤日亭。
午汗如沐貧，居客底自辟。
浣辱處泥塗，兼僮僕盆盞。
煤炭不易求，請貸奔走殊碌々。

指揮唯諾將形影左右使令一手足加釜於鼎概水平
取火於石電光燭林撼風疾自南來冷然相遭火力速
索籥無勞皮鞞功至人吐納虛其腹湏臾湯沸翻銀濤
勞人何幸傲成福乃倒篋筭出敝衣上衣下裳約五六
襮跡甚雜被濯施緣絕更將針線續細效閨中泚泚方
香泉浣匕柔荑掬澄清次第先項領爬搔垢膩後遑幅
十載徒困漁陽塵半生莫洗山林辱常悲墨子泣素絲
三復南容歌白玉精潔冠裳自可人清真文字雜諧俗

烈婦行

揚州城破閣部死指揮卓煥妻赴水女子之節在一身
全身即同全國體婦死之年方廿四婉轉啼痕濕珠翠
盛貌只將鸞鏡窺城破何堪亂兵視方當城上戰王師
妖氛亘天蚩尤旗閣部乘城自桴鼓匕聲不振閣部悲
飛鳥莫越蚰蜒塹巨礮雜碎呂公梯礮聲怒震長平尾
無不聞之髮浙灑婦時匿身樓壁中膽破出將姑袖把
吾臂豈可送旅污吾身不死胡為者倉皇奔救二小姑
倒地泣將阿嫂扶小叔三亦踉蹌至翻身竹馬哭向隅
更有祖姑年少艾未亡人淚泣欲枯俄聞城崩閭屋震

鴻毛一擲輕性命阿嫂最先逐波臣祖姑繼亦洪濤進
小姑跳身隨祖姑最後小叔填巨浸湘娥鼓瑟夜無聲
二十四弦一撥盡水晶宮殿鬱浮沉白面紅粧色相映
八人死烈出一門由來忠節亦有根指揮卓煥世闕闕
前朝尚書敬之孫尚書遜國抗大義沛哉正氣干乾坤
身死凜然神色壯旅赤猶餘血胤存嗚呼至煥深可哀
城破身亦膏草萊城破身既膏草萊一子妻死抱在懷

鬻硯行

錦囊硯裹蕉葉白此是宣和端溪石太璞渾成鵝卵形

天然畧具鼉磯跡軟嫩訝同手絮棉淵懿疑同出川澤
今之新坑亦細潤但是水墨相格上我得此硯在長安
如何寶之琳瑯玕公卿貴遊不可得那識今遭行路難
每憶長安客窻裡晨興淨拭烏皮几書卷無塵夜氣清
匣藏玻璃硯在水抽毫弄墨咏落花落墨無聲羨莫加
蟬眼渤海潛吐沫月窟蟾蜍隱爬沙可作龍鳳斗大字
張顛米老嘗嘆嗟我今鬻爾資道路未鬻先作三日哭
杜鵑血濺瑪瑙紅碧梯膏滴鸚鵡綠此硯猶能貨數緡
一字那堪易斗粟世俗胡琴買百金子昂空載文千軸

不忍釋手更婆婆吞聲甫罷復作歌此研流傳五百載
主人幾經相盪磨今之鬻研者宋和

遇玉泉菴贈卓雲上人

每遇齋厨飯脫粟其饌維何匪梁肉綠茗出炮啜白醜
素心隨緣享清福詩人氣味近山僧詩人山僧自友朋
山僧野服手偏袒詩人博帶腰青藤有時瀟洒踏花雨
中道悔之仍返戶出門有礙懷孟郊芒鞋嬾刷長安土

飯客行

惟士為能無恒產渴即飲水飢疏飯六國公子眼窺破
出挾口腹要窮餓一時酒徒狗徒雄夢亡醉飽鼎烹墮
罪非孟嘗與春申釁起商鞅入相秦兼并之徒起阡陌
編戶之民無擔石酒徒狗徒將安歸勢必飲食為人役
商鞅一身罪莫贖須令食客食其肉

晚邨

欲歸江南歸不得牛羊晚村獨行客斜陽影掠鴈腹紅
煙嵐光帶山腰碧蘆笳幾聲吹暮秋暮秋聲中雜遑愁
歸騎一行馳落日落日色裡異中州落日之色猶未下
白草作霜景先夜江南客踉蹌歸失路痛遭白眼罵

題徐天池畫松

鵝溪絹染松烟墨，七氣淋漓筆複折。四松枝葉萬松深，
八月江濤十月雪。紛然交屈攢溟渤，硤然根株石怒抉。
此種筆力何處得，亦非天台橋畔物。細思無理又甚奇，
黃海之松寫不出。

送許一士

江有沱山有趾，井上轆轤轉我腸。迴環相思無終已，昨
日君我別相送。雞路歧共為古，结交豈作今。別離瀑布
下山終不返，雲心出岫長相思。古趨同一轍，非舟同吳

越與君有天合，非漆與膠結。甘心古人只在厚，失意杯
酒多在熱。太羹不必兼，酸醎梅花只是一高潔。

題葉東子濯足圖

石壁破空流水聲，竅然太古誰歎聽。有客寫影不巾屨，
反用其筆足濯清。世清世濁了莫辨，東流之水無心平。

雍正四年詔增京官俸米和則長安乞米者因作
乞米行

硯為田筆為耜，薇蕨只可歌夷齊。詩書不能養妻子，輟
耕太息日出日入植杖而耘。笑六經六經荒唐不可食。

農夫無年天府發粟士而無年豈其補助士有恒心無
恒產盜跖之肝士雜飯麇鳳飢兮唯樂飢羞事搏擊效
鷹犬日來聞九重有詔啣丹鳳大賚朝官米釜鍾視其
俸譬彼鳳也竹實多鵲鷦一粒柰若何又譬鼯鼠飲於
河飲水滿腹河不竭寒士易足成恩波

余作乞米行干諸公時俸米未闕惟鞏翰羽建豐
轉貸米一石餉我作貸米行美之

飢我飢貸人粟不家食充我腹富彼其鄰如糠粃東隣
烝祭雖殺牛不如西隣禴祭轉乞醢一飯可見古人心
结交不在多黃金一飯之德士饜足嗟來五鼎士何辱
我有文章不願膏梁人貴文繡多賤文章文章等身何
迂濶酷暑羊裘嚴冬葛被服雖不為國華世俗遑幅亦
擺脫

假衣歌呈孫德州

十日假衣一出門六經文章空在身我亦天下士羞見
唯與德州夫子時一面嗚呼天下皮相士者多五月披
裘笑宋和即今蕭七九月木葉脫頭戴葛帔衣薜蘿

典裘歌贈任城王斗南

兩裘一典一裘故裘故十年毛不溫江梅不耐朔雪皴
禿髮豈禁羊裘髡薜蘿在山遠莫致同袍在眼情不親
閉戶繡書求古人任城實逼古人真細想道路一相見
絕非客氣如弟昆赤心自入人腹暖大廈可庇送旅春
吁嗟今日木葉脫荷衣被體愁紛紛檢點質粟算子母
數計不足十千緡竊愧會面又竿牘自失著作空等身
此身恥因人冷熱唯君庶可道屈伸采蘭當陟山之阿
同氣之應宜如何

雪晴軒詩集

五排

遣懷四十韻

楚國騷人後虛生變雅儒匏瓜繫宇宙海岳掉頭顱冰
雪吾肝肺毒苔父髮膚踐形何肖古受性竟如愚占象
鴻于陸投荒豕負塗金臺遊嶼岫駁骨朽踟躕丘壑拙
歸計帝京空壯圖竅開天混沌智鑿盜穿窬危坐轟雷
鼓鉛刀鈍湛盧叔敖半優孟嫫母盡羅敷偏黨同排異
模糊紫奪朱濁醪且沉酒青眼自衡肝項短鳶肩聳喙
長燕頸麤平生鄙肉食萬里被飢驅不采伯夷蕨嘗思

張翰鱸齋居麴蘖笑軟飽齒牙設夏屋誰余庇茅簷只
自租無家忘出處有樹即菰蘆小憩依藤杖安眠藉草
鋪一枝梅夢寐並逐蝶歡娛行潔傷貧累名高處境孤
夕陽新月媚野鶴片雲俱物化窺玉臂衰容驗鏡鬢故
吾驚漸老多病喜全軀戰險常勞坎需郊利用孚英雄
原氣質鍛鍊付洪鑪渴想奔泉驥意看過隙駒蛇成廢
一足兔守竟空株聞達憑當世躬耕在老夫萍踪託稼
穡暮景種桑榆彊畫經先正渠成水自趨勤劬養寒儉
瀟洒治荒蕪著述期身後悠遊任歲徂古人如不朽糟

泊亦醜醜宿草柔春嫩枯題活句腹神閒姿頓挫理直
趣迂行獨學何師有忘言得意無浣花祠杜甫赤墀拜
簪蘓稷拜朝廷放風流資格拘詩篇時浩蕩聖縱日江
湖

代壽劉撫軍四十韻

世家建節鉞開府再荆湖郡縣曾綱目恩威已誕敷上
流資潤色分陝壯雄圖澤國楚如春巖邦蜀接隅屏藩
連百粵彈壓及三吳帝簡專連帥熊封又帛符分憂原
有在游寵豈能無太息名臣後恭唯先大夫勇冠加柱

史繡黻被通儒樽俎投壺咏封疆緩帶行峴山今有淚
栢府舊啼烏爾雅臺猶在萊公栢未枯勲名看帶礪日
月麗金樞令德垂堂構風流接觸艦貽謀有紹述繼武
自相于理窟源無垢仁田道自腴產芝多五色棠鳳每
三珠羽翼文明世辭章游夏徒甲科開萬壽聖曆頌皇
都杏宴霑秋桂鹿鳴歌大酺空群原汗血一蹴匪轅駒
矯七閑天廐蕭七鳴紫衛玉堂登穆七金馬對趨七不
忝中丞子居然丹穴雛程材翰厦棟入彀挽來孤敢竊
師資力其如國士需美言真可市善價亦云沾淨拭烏

皮几光溼白玉壺清華凌絢爛醇粹雪肌膚格局瞿唐
並淵深瀛洛俱得朋占大易舍己誦嘉謨憶昨瞻南岳
還思浴具區煙霞開岫嶠蒼翠滴香鑪方岳層巒拱浮
丘衆壑殊仙厨鱗斲繪天樂籟吹竽中甫星精降元良
氣運扶入周同出召詩杜復文蘓中立何偏黨高標自
指模聖朝重藩閫堯典警都俞枚卜蒼生寄為霖後命
須

雪晴軒詩集

七排

賦得合璧聯珠十二韻

太素中含萬象成帝心廣大不能名玉衡在手璿璣運
碧絡憑虛經緯明合璧已看光日月聯珠復見繫輕清
如何南朔殊躔次豈謂星辰亦彙征自是一人趨聖域
居然皇極建神京翠華垂拱開闔闔紫蓋高擎出地平
火齊雙丸銀漢躍珊瑚兩樹火城撐太清浩々無纖翳
貞觀昭々有五精大闢四門明四目端居元首自元亨
十風五雨豐年兆九穗三岐厚德生雲物書來皆太史

詩篇詠去盡瓊英恭聞有道膺符命萬國洋匕起頌聲

雪晴軒詩集

五律

長至日送劉可亭太守赴任曲靖二首

世胄青雲器金貂奕葉穠中丞雙繡斧五馬一夔龍熊
軾馳南服獠人化比封燕臺饒吹發律琯應霜鐘

紫陌分歧路梅花一布衣援琴調白雪別鶴下斜暉黍
谷邠生律陽春宋玉違風光看六詔驛柳漸芳菲

送同鄉程聖跋之任崖州兼呈盧明山仲山沈明

府麟洲聖跋家居岑山故次首及之

萬里梅花國孤懸水外枝乾坤浮島嶼日月匣玻璃比

戶龜鼉窟一州生熟黎也當如化蜀民吏更民師
人家浮水面水面出岑山鏡影涵青髻江心點白鷗林
居皆樂土流寓即塵寰仕宦看瓊海如螺萬頃間
家居當渡口出宰亦乘桴聽訟決流水開衙放釣舟鄰
封兩陶令三友一崖州較勝官僂耳東坡隻影愁
對君彈別鶴再鼓欲聲吞此日征鴻影初秋入雁門關
山雲獨往棗梓月同根莫折蘆橋柳條上有泪痕
過廢居見墻花一枝傷之
草木何知識頽墻亦作花纖枝弄寒影一葉夕陽遮秋

老餘孤蝶人歸後落鴉光陰看過客陳跡古繁華

送寶應成某之龍川縣任兼呈邑吳乾玉二首

羅浮峯四百去已踏隻鳧春水生南國梅花正五湖短
蓬烟外泊濁酒月明沽飲水期君潔清言寫玉壺
為語神明宰文章吳少微盧龍有歸雁鳳鳥德音稀寡
和惟長嘯孤雲且息機因君水驛便花縣問芳菲

歲底

歲底猶文史貧居獨咏陶無田耕一硯隨分足單瓢掃
地身能潔端居市不囂名山書卷裡心遠即漁樵

思歸咏十二首寄呈陳滄洲河臺

大川誰作楫帝命出長沙禹穴文身國天河博望槎我
生雲外鳥斯世泡中花漂泊如昏墊龜鼃窟裡家
不事王侯老名成一布衣杖鄉年作客天下士何歸鴻
漸疑矰繳魚竿卜釣磯浮萍天水外鶴影隻飛七
鳳城飛不起歸路稻梁無出處非薇蕨飢寒豈怨呼耦
耕思結友荷篠獨為徒天塹分南北中流望一壺
昨夜江南夢孤舟蕩六朝何人歌玉樹落月上春潮隻
影隻蝴蝶忘形失鹿蕉為輪為羽化總是一鷓鴣

野老何為者蕭條盛世人浮雲何所有吾道固當貧阿
閣無飢鳳尼山有餓麟不能效方朔割肉細君仁
鳳皇徒有口其尾反翹七送耳侯門瑟吞聲伍相簫文
章身欲隱鷗鷺影將消精潔難磨滅江花洗六朝
天縱不才老餘生不達生龍身雜尺蠖松影欲長鯨匠
巧天機拙無心造化成南轅求北轍方矩碍圓行
清淺年已望莓苔測水痕何如上黃海萬仞闢松門冷
爨炊紅葉清泉煮石根蠹魚聊寢食太息古今吞
三十六峯下草玄宅一區著龜師大易梅鶴友林逋道

路已斯世烟霞亦壯圖古人明出處身世怕模糊
梅花高一格不肯入桃谿半冷春風面全欺柳絮泥名
山多獨卧仙子每空閨寤寐誰吾好相思在竹西
美人花比興何處采蘭苕宛在湘江汜相思一水遙浮
萍雜作蒂瀑布不通潮深淺歌匏葉却湏我友招
起興同張翰思歸不為鱸名山藏一史不朽託金軀晚
景斜陽補歸人末路圖種松招鶴隱其谷號為愚

九月壽江農部二首

老人忘甲子草木紀春秋摘菊佩江總為郎正黑頭忘

言破綺語淡句洗清流瀟洒為廉潔盆花粉署幽
不負新安水源上六七峰一錢將太守三事且司農階
舞清癯鶴崧高疊翠松此時黃海日仙掌曬芙蓉

壽芝麓檢討

蜀人曾視閩學

青蓮兩產蜀同夢一長庚大雅斯人出王風又正聲清
名水鑑徹止水玉衡平桃李拔寒素枝上可國楨
楚辭歌宋玉仙李頌青蓮石磬戛寒玉桐花落古弦元
音風澹泊萬舞鶴踟躕古調如流水匡廬九疊懸

送吳興沈某補縣任

苔雪兩谿水清流見一人菊花雖舊令墨綬又陶中性
洽琴書靜神和麴蘖春政醇亦旨酒王道本天真
春迴今歲早相送柳條新百里如三徑栽花即治民土
風琴操古儒術訟堂醇農事桑麻問荷鋤亦可親

壽郝少司空林二首

平成歌禹力耕鑿樂堯年佐理雖鄉貳都俞亦帝前凌
風輕鶴瘦得氣占梅先龜筮皆元吉虞書洪範篇
陽春來歲底瑞靄撰崧高日近瞻佳氣眉端見紫毫梅
花將破萼楊柳欲青袍補袞須史事工虞且輶勞

壽方某四十

方干猶未老豈可釣桐江四十年半高堂白髮雙水
亭香苒苒風竹玉琮玕攢簇琅玕秀黃山石筍砢
蒼翠峯巒疊氤氳系一懸一枝天水載十丈藕如船何
日浮家至同君築室連雲中放鷄犬松下種芝田

方遂舟善畫即此壽之

秦時封禪雨猶自滴晴松和筆翻黃海天風拔岱宗師
心無畫譜生面見芙蓉神骨何如健嵩高秀所鍾

代某壽某叔

磐石數竿竹纖根附大椿晴枝擎翠蓋佳氣翼龍鱗戶
滿王喬馮人多子夏中笑余稱小阮旅進雜嘉賓

同鄉許滄亭來謁選京師出閩中鄭茶餉余
新安山水客廿載竟飢驅一片練江月鄉心在玉壺松
花燒石鼎雪竇煮僧厨何事來京洛風塵舌本枯

吳韜菴立春日移居將室家也而食貧於詩字畫
身餘一古刀亦雅儉之士矣

卜宅何喬木東風第一枝鶯遷春信早鵲噪友聲遲小
築開陶徑浮家背習池波瀾如墨妙江上寫茅茨

崑居無寸土流寓亦樵漁桃葉美人渡梅花處士廬蘧
七雙蝶夢坦七半床書掛壁餘長劍孤雄嘯劃如

雙節詩

婦姑皆隻影鸞鏡與誰憐孤嫠光雉滿終天月不圓半
枯連理樹分咏並頭蓮寡鵠哺黃口哀七叫杜鵑
雙節如華表細常嫠婦撐建坊標特立勒石著堅貞一
片幽光白皆同大義明晶壺看徹底貯得兩芳名

送某太守之任嘉興

鳳城雲靄七熊軾影駢七紫陌分歧路梅花一布衣多

情素梓敬有夢水雲飛百尺樓烟雨晴看落翠微
嘉禾五百里一水一城環飲水能明志清心可燭奸垂
紳辭粉署治郡出駕班他日恩波至輕舟載鶴還

輓隴西吳五峯先生時故於其嗣君之珽寶應縣
署中

嶓冢一峰折斯人竟白雲名高非絕俗身隱亦為文
私謚無如我清名當在君平生貞白志渭水澹沔
焚琴無鶴煖七水亦名流書腹何如飽詩腸別有愁
夫君情不淺野老淚難收逝者如斯去江淮日夜流

細菊二首

盆菊何如細研頭高尺書澹香同墨古纖影亦疎籬
隱約幽人坐孤清一室餘根旁栽片石小有洞天如
歸去無三徑浣花空草堂豈能籬下寄小坐案頭香
浸潤唯涓滴蕭疎只退藏景憐秋蝶冷窈影戀斜陽

輓徐編脩亮直太夫人

寶婺沉南極幽光照夜臺產成雙鳳子騰踏一龍媒
鏡破月虧魄蘭摧墓有梅崑崙仙馭返播影鬱崔嵬
阿母即吾母登堂拜未曾那知青鳥使導入白雲層
罔

極傷人子吁嗟空友朋欲挑磨鏡具會葬裏行騰

送郝少宗伯林加尚書致仕

四序成功去無功即化工完名全進退盛世一遭逢貴
列九卿位榮加大秩宗德輝隱鸞鳳高致入冥鴻
鳳皇丹穴去斤鷄欲何依捨攘榆枋下吾誰瓊樹歸太
虛無住著流寓託荆扉雙鸞草玄白文章成布衣
乾坤為橐籥我亦在鴻鈞水火日陶鑄文明世隱淪石
田荒破研塵甑冷勞薪鼎食唯夫子當殮念窶人
蹉跎送日月日月返無時古處徒人後孤生搃路岐長

鳴阪九折三繞樹無枝屈指偏恩遇公鄉多別離

二疏車幾輛冠蓋擁如雲杜甫詩如史昌黎畫以文試
觀今祖道豈謂古空聞紫氣函關氣蒲輪送夕曛

送黃唐堂翰林三首荅次韵叙鄉情謝炭價也

焦桐已絕響壁掛無弦琴何處聞流水洗心彈古音逸
才豈俗韵曠世自遺今鐘鼎居邱壑梅花卧一林
百里尋源入新安江漸江與君隔一水逼岸對開窻築
室山皆背維舟柳盡樁時驚黃海夢瀑布響淙淙
生色烏薪力分光穴壁同如何虛室白實以冷灰紅黍

谷吹郟律霜鐘應蜀桐氣交深感激通理達黃中

丁未元旦

柏酒枰盤後配頽曙色時落花詩往事生意發新枝草
舍墻鷄唱竹窻簷鳥窺晨光青眼老雲物見如絲

詠栢

美人雖不采自愛歲寒姿太朴豈雕飾天根無蔓枝蒼
顏寫黛色老幹厚霜皮菲薄最桃李青春笑後時

閉門

閉門如避世尚友託空文獨鶴影自舞逸人僧與群蘭

馨誰共臭谷響但虛聞蹊徑開桃李六經荒不耘

遺老

食貧不食肉鷹飽鳳皇飢詩思令人瘦俗心蒙面肥梅
花一片骨苔蘚百年衣盛世稱遺老歸兮胡不歸

送鄭亦亭歸浙

鴈影鴈門盡黃花餘一枝秋深悲宋玉客送鄭當時心
跡雙清白行藏半即離虛舟歸兩浙不載一鷗鷺

國門秋色曉行色更依七街掃落花盡鳥啼紅葉稀倦
遊君可去久客我無歸那得風塵外青鞋踏翠微

送黃唐堂翰林歸田

國門日送客誰送未歸人斯世陷流寓浮萍載此身
耦耕期谷口一劍失延津豈為鱸魚膾吞聲餞逐臣
達者同出處莊生齊是非何妨金馬客去掃釣魚磯
怪石幽人瘦清鷗白水肥江湖笑仕宦戴冕荷蓑歸
君歸吾獨返揚子一空亭願憐影明月揮杯勸客星
清流似人醉濁酒眼誰醒幾點秋花落相看淚欲零

題沈耕園初卉圖

寫影先寫意花開看未開一枝春欲至何處蝶飛來
修

竹直成節孤松雪作胎伊人吾所好臭味淡如梅

哭程且碩

著有雙梧閣文集

百尺雙梧閣一朝鎖白雲斯人已化鶴黃鵠孰為群
何水垂竿釣無山植杖耘烏啼三繞樹君豈夜臺聞
死歸君有穴生寄我無家共寫江湖影先沉泥幻花
一杯黃海上終古白雲遮木拱荒墳上松耶與柏耶
二十四橋月含情不忍明清光為誰照容悅莫如鄉
白雪歌愁絕梅花笛失聲寒香自冷暖在野抱孤清
雲心淡無與雲水自相親蘭蓀佩君子名花簪美人孤

芳一朝散幽谷不知春喬木死絲絕松楸蔽空窀

秋日送汪千波比部歸新安往有集杜贈余句曰

正是江南好風景故鄉猶恐不同歸今於其歸也

林黃因感慨及之

作楫未為舟新安江上秋芙蓉開兩岸歸思一帆收別

鶴何心送孤雲無意留同根柔與梓萍梗獨漂流

黃山高不極白嶽與雲齊松挂藤蘿月崖懸百尺梯同

鄉翻送客東水復流西愁絕徒人海魚竿負昉谿

山水新安好時上勞夢魂潭清魚可數壁立樹如捫帆

影白雲落江聲亂石吞寸心如峽束浩上向誰論

送陳學田之嶺南迎太夫人歸湘潭

湘潭清見底如見玉壺心古調送流水關山幾疊深同

聲長太息終響一孤音弔影失蝴蝶羅浮夢裡尋

帆背湖南去梅花過嶺南荀輿將令母萱草帶宜男飛

鳥多遊霧懸崖半截嵐風餐炎嶠盡菽水樂湘潭

謝王復齋少司空餽俸米二首

八口笑流寓輟耕欵出彊石田雜望歲書腹可飽荒如

許乾坤大聊于退密藏飯蔬吾固樂妻子怨糟糠

何來粟五秉大笑飽侏儒不請能周惡如聞到剥膚食
前方丈有一飯古人無好士如夫子吁嗟等吐哺

雪晴軒詩集

七律

雪橋詩

并序
十首

雪橋宋子號雪橋詩則亦莊子寓言淵明飲酒也
雪橋寓居宣武門外玉虛觀而詩人高咏羽客躡
跚少陵詩曰獨鶴不知何事舞然則雪橋詩又何
為而作乎

儼居仙館挂單瓢有髮無家躡雪橋海上東坡依佛老
山中弘景託漁樵一生失路唯師馬大局全輸敢用巢
借得黃梁丹竈煮也同辟穀學松喬

風塵客子寄烟霞豈可同群笑鹿麕老髮黃冠梳短髻
垂髻童子縮雙了王孫家破遊芳草少婦春深恨落花
最是鶴巢高穩甚月明三匝歛歸鴉
仙壇雙鶴步逍遙天闌無塵瑞靄飄秋水伊人來弄月
上清童子學吹簫梅花調怨思千里玉樹歌殘盡六朝
終日註在還註列不知夢蝶夢芭蕉
襄王雲雨夢難逢宋玉文章變雅工春老六朝花綺靡
月明十五國歌風元音笛弄孤生竹劫火琴燒百尺桐
愁絕桃天猶未賦髻邊白髮已成翁

蕭然鶴立髮如蓬人老梅花白雪中玉笛聲長吹不斷
霓裳袖短舞維工單樓海燕巢空樹六月鯤鵬息厚風
却笑圖南徒九萬何如飲啄一樊籠
拔劍長虹天際來西山返照一窗開可憐放眼驚霜鬢
不盡飛花掃綠苔人隱墻東居近市地偏屋角戶當槐
賣漿織席英雄事世少平原且草萊
古鼎焚香嗅未烟枯桐取意在流泉楚狂漫興歌威鳳
詩聖吞聲哭杜鵑青塚東風吹不到玉關新月上初弦
美人怨慕風人旨不盡相思春可憐

黃冠羞戴恐袈裟腹笥琴囊四海家紫塞空梁無燕壘
朱崖大雪有鶯花心同草木原無悶樂想禽魚豈有涯
胸次倘容塵一點維消冰炭飽烟霞

萬仞丹梯六七峯一峯一肖一笑容飛泉日冷懸晴雪
奇石天開嵌古松仙去軒轅維問鼎雲深下界但聞鐘
浮丘何事黃山出乞食飄飄一鶴踪

獨開生面一層一詩裡丹青王右丞深樹歸雲樵迳客
踏梅戴笠雪橋僧貌如好女神維肖病似休文瘦未能
此日國工空畫作千秋手眼見何曾

胡濬武客揚州懷之

胡生去國身兼僕宋子無家影弔形肝膽各成一古劍
行藏共戴兩浮萍小帆山月迴橈白鬢社湖沙落雁青
練水思君何處望芙蓉岸畔坐江亭

秋日燕子磯

俯逼飛湍坐釣磯晴江一鳥白煙歸背城秋色白門閑
到岸霜楓紅寺稀暫把漁竿堪永日久於鞍馬為驅飢
故山薇蕨如何采澤國今年稻蟹肥

燕子磯

山到大江真壁立江聲送上打狂瀾也知割據風流盡
不道滄桑戰血乾何物老僧吟抱膝怪來漢父坐垂竿
此中大有英雄在踪跡烟波仔細看

舟過弘濟寺

莎嶼澄澄照眼明沙鷗拍拍晚舟行潮來月下動如靜
山到江邊濁亦清峭壁蛇行藤上下飛樓鶻落石支撐
忽看轉側輕帆疾終遇磯頭樹影橫

漫成

栩栩漆園花裡蝶悠悠蕉鹿夢中身多愁處獲無心句

有得時娛失意人芳草醉眠肱作枕荒村孤僻樹為隣
家園何事不歸去獨鳥枝頭喚客頻

登長干寺浮圖

蒼々視下原同色浩々天風最上層玲鐸漸聞天樂近
雷車驚過電光騰語來八代真寥廓看到千秋總廢興
喬木不堪尋故國松楸猶自見鍾陵

寄園送客

小飲晶鹽點韭芽送君還已見歸鴉竹深不見登樓客
徑轉時逢背面花藤架墻陰枝隱躍藥欄屋角石欹斜

明朝復過園亭否
尾鼎天香煮建茶

迂

一牀書卷點塵無
抱獨端居缺座隅
真到受閑非是嬾
稍能不俗便為迂
文章誰與成身後
貧賤天教在老夫
却笑生平怕磨滅
丹青已著眼模糊

睡

梅花開過綠枝成
茗椀方殘草榻橫
信手拋書偏睡美
偶然無夢自神清
且空書腹消奇氣
莫泥窮愁太瘦生
二月風光喜流轉
階前芍藥又萌芽

幽齋

塵事幽齋稍棄捐
身兼動作也蕭然
拈來茶竈燒餘火
小炷鑪香手一編
俗態屏除唯獨坐
貧居安穩只高眠
千人極覺違情性
恒產全無只研田

睡起

香清茶熟太迂疎
日暖睡甜懶著書
樹已百年花不舊
身雖漸老夢如初
早知往事成虛妄
何獨文章信毀譽
憑几低徊卷簾坐
靜看日晷轉階除

掃室

灑掃移時塵去眼方完盥濯水傾盆賤於文事嘗兼僕
小據胡床畧養尊貧到可安知富妄身當無累即心存
窻明香燼鑪烟細夜火生來早尚溫

僧舍憶春龍茅

歸田不可學無成日亡攤書一榻橫詩思苦中茶味永
生涯澹處佛香清籬邊冬煖餘秋菊塞上鴻稀少友聲
歲儉研田生計拙何如畎畝躬耕

乞食

淵明乞食出南村我亦朝餐慮夕飡酒已重陽辜白菊

飯猶昨日過朱門壓枝繁老飢禽滿走樹雙藤野廟捫
旋聽老僧齋呪罷鐘魚佛出漸黃昏

夢嶽

如何松頂尚風濤白嶽歸來未兩遭下界雲雖成暑濕
太空月豈礙纖毫無心去俗方為雅有意居貧未足高
睡足客窻攤棊几鑪香淡讀離騷

名山

陂陀一徑入荆榛十里岡巒出水濱隔岸看來如昨夢
名山到此豈前身高文奇氣原無古老樹踈花別有春

自是此中塵全絕何須洞口問秦民

即事

莫道秋齋沒好懷野棠時雜菊花開
袖書倚樹夕陽立曳杖穿林僧影來
境遇本虛成邂逅姓名何必且徘徊
蕭七歸鴈啣蘆去漫送方袍步月回

金陵

江擁鍾山壓石頭六朝割破半金甌
陸沉總失憑天險水處唯知據上游
朱雀桁開何處岸後庭花歇幾時秋
梁陳綺麗今猶在團扇方帚不禁愁

途窮

山郵水驛經過舊芳草鶯花在苒新
客久竟然忘土著途窮方爾羨家貧
吾廬粗足支匡榻秋稅猶堪給暮春
今日豆羹羞嗔蹴一枝更不穩昏晨

至城西從人稱貸不得

西去城西面夕曛汗額羞自捉烏巾
為求刀布資鹽米實愧侏儒揖富人
送旅獨逢佳節近秦淮一望彩舟新
尋常角黍蒲觴味不道明朝莫上唇

飲王大宗伯山林

暑氣深堂入覺無上鄉
肅容下堂趨敢言側席
當前輩
過信虛聲到腐儒
鐘鼎納涼忘醕酌
林風相悅坐扶藜
更臨泉石延纖月
微服稀蕉旨酒呼

天下大師墓

不封不樹此泉臺
憑弔千秋歎劫灰
丹宸幾人成夾輔
金滕千古匣風雷
衮袍日月緇衣換
老佛江湖白髮回
死去直愁同冢寞
生存自返此形骸

吳興費鶴峰先生為余梓遊記一卷賦謝二首先
生宦遊甌越詩趣清深

年光春半髮星匕
哀樂關情眼醉醒
徒室已荒陶令徑
著書空卜子雲亭
蠅頭寫愛窻
虛白蠹簡磨雞竹
殺青却喜孝梨工
楷法石經歐字瘦
勻停

文章山水屢行滕
遊記精深力未能
矮樹平丘成岸圃
幽光閔怪發吳興
宦遊甌越江三折
筆轉苔溪山幾層
慚愧一編勞剞劂
裝潢紙價望余增

賦謝鄉老吳侍御炭價二首

歲晏長安物力窮
太倉米貴爨烟空
竹窻夜覺雪枝重
栢府晨貽炭價紅
載酒客誰來戶外
咏梅人獨倚墻東

寒暄頓起柴荆色向日書堂凍自融

先生何處住山嵐漸水鳧鷺聚一潭高下人烟看鏡裡
淺深喬木蔭谿南

先生村
居名也

交情柔梓蓬蒿仰世味詩書麪

藥譜何日一帆載孳僕捕魚江上結茅菴

自題饒石村秋山雨後圖二首

家山別久畫貪看尺幅懸崖十丈灘盤谷邃中藏稼穡
急流壅石送波瀾每思骨肉牽裙動未返丘園捉鼻酸
樂土長安無一竹草堂徒剩此岡峦

筆氣生綃帶濕捫墨池百道細泉噴秋山雨洗芙蓉翠
水面雲生夕照痕一抹長林毛穎无幾層落葉嫩枝斃
可憐老醜丹青著文采徒矜身後存

輓詩

深衣鳩杖鹿車乘駑氣逍遙物外升南極曾來天子壽
萬年蒙賜一枝藤蒼龍角解黃泉閉白玉棺埋翠草層
莫上姑蘇臺上望千年鶴返太虛憑

送人歸新安

西山北山柳已青金臺豐臺雪復晴鶯花又送客歸去
草艸獨憐余未行梁苑薜蘿蕪遊騎倦渾河春漲刺船平

何時買得漸江艇
苜蓿菜共君飯
稻秬

郝公階進太僕卿壽日賦贈二首

國步無塵輦路清
雲開閭闔泰階平
羲和馭日行天馬
帝座當陽拜上卿
家世中丞原啟戟
官資太僕又勳名
躋堂酌彼樽罍頌
他日鹽梅作鼎羹

積翠南山賦有臺
芙蓉四面鬱崔嵬
霜相剝蝕萊公栢
雪幹孤撐宋璟梅
亦有烟霞虛日月
豈無蘭蕙老莓苔
青雲霽上崑阿蔭
敢望春風座上裁

江仲謨新授淇縣令初度日壽之二首

翠逼居庸曙色紅
晴開萬井映梧桐
宸樞命下神明宰
淇水仙來河上公
玉舄一雙飛白嶽
郎官列宿降高崧
弦歌未試聞鳶鶴
蕭史吹笙下碧空

萬壘梅花擁石樓
從君黃海問丹丘
老萊七十猶斑服
江總三公尚黑頭
才地鳳雛寧百里
飛騰驥足且中州
晴春嵩嶽臨仙掌
井邑桃開綠樹稠

贈王傅崑進士

有序

余與傅崑皆趙寄園客也
傅崑書法宗雲庵詩畫
做右丞才高藝美僅成進士
若余之窮愁感慨則

又何如哉

將軍書法踰雲麾三絕風流一代師未到
寫臺承著作徒從雁塔見題名詩中畫手
王維老身後文章宋玉悲莫問平原舊時
客林鳥巢燕羽差池

江岷源成進士萬壽科在三甲漫贈三首

卜居漢父我如何風月文章且荷蓑國士
如君成進士制科與古不同科氣浮小大
韓潮壯力逼蒼堅柳骨多直可石渠稱述
作不應州郡放東坡太息家園輟耦耕也
知鴻鵠志維成同舟實切須却友

異姓相呼忝寡兄髣隱二毛羞豹變雄飛
一劍嘯雌聲清宵高卧劉琨榻枕上鷄鳴
倦起聽峻骨踈髯曳綠綵莊襟不整葛巾
低人如元亮還度亮家在茗溪又練溪濁
酒歌呼忘禮法清流文采愛鳧鷖沙邨何
日新安返對水開門住竹西

讀劉在園觀察葛莊集贈送其三孫純如四孫明
之隨父任滇中二首

不讀蒙莊讀葛莊瀟灑秋水墨痕香一家
子弟真王謝大家文章妙宋唐梅堯風含
春澹泊蘭根石咽水芬芳

滇黔驛路饒花草轍跡何愁子夜霜
神采皆如衛玠清一雙白璧月華明曹劉並駕雉雄長
李杜爭衡亦弟兄花萼枝交連理樹脊令詩咏鳳皇聲
唯七試聽南天鴈萬里隨人馬首征

山東余壽母詩

采藥仙源別有家雲英石藥燦如花萱堂苔髮階黃髮
閨苑芝華蔭白華南極夫人培碩果金門方朔饌胡麻
騷鴛恭岱晴春望日觀天鷄叫曉霞

送沈奕軒歸山陰

清絕山陰道上時梅花雪片一枝七沈郎歸去詩情瘦
宋玉荒唐底事痴短劍長征孤樹憇暮帆斜月矮蓬支
鏡湖莫待黃柑熟紫陌期君紅杏窺

閨中秋集周寒谿先生共用八庚韻

几榻無塵雨後晴碧空望七眼猶明冰姿絕代人如昨
玉露一枝花更清即事何妨行樂補餘生也作晚香名
此宵亦有團圓月試看清暉滿鳳城

送沈麟洲之文昌縣任

南天畫舸渡晴空島嶼烟嵐綠水濛鼉窟鑿開黎國母

蜃樓吐出越王宮
潘仁花縣扶桑下
宓子琴臺海舶中
萬里波濤涉忠信
風流倭耳繼坡翁

人間世

笑非鳶鳳豈鷄群
落七人間世不分類
水箕山流寓客
歸鴻別鶴太虛雲
孤生笛竹誰相採
百尺琴材半已焚
歲七欲歸黃海老
蓬萊清淺竟空聞

老去英雄解肉生
盎然鮑背負虛名
欲埋駿骨非高價
雖畫龍雲不點睛
遁世有心成外史
刪詩無力放淫聲
六朝東逝金焦挽
兩朶芙蓉出水撐

蝴蝶莊周兩不知
鼠肝蟲臂笑何為
文章百世豈天授
貧賤一時亦數奇
枉直功名徒獲屨
浮沉江海聽蒿師
笑非燕領雉飛食
安穩鷓鴣且一枝

悲歌不盡復長吟
孤雁離群不擇音
寶劍雌雄原一匣
古人肝胆在同心
曼聲比戶侯門瑟
絕響何人中散琴
桃李盛年梅已老
犧牲太廟鹿長林
古今上下老塵寰
轍跡苔痕點鬢斑
月影弄人羞作客
雲心笑我不還山
結廬松下憐黃鶴
枕石灘頭漱白鷗
家在練江無岸圍
徒成詩話落人間

寡鶴吞聲月滿林
嬰桐淒絕乍孤音
但餘竹影存高致
少有梅花無艷心
狎客趨工入世幽
人坦坦拙求今
陳平戶外多車馬
仲蔚蓬蒿一室深

堂上李杜一淒涼
光焰文章萬丈長
著述生前不鼎食
燕嘗身後亦糟糠
美人埋沒皆青塚
名士漂流即夜郎
何事招魂古
憑弔後人宋玉弔荒唐

踏春

紅塵踏過踏蒼苔
六十春光亦標梅
水愛落花流欲住
雲遮好樹去還來
倦遊磐石貪趺坐
野次荒園且草萊

氣象忽看金碧射
豈知晚景逼樓臺

雪晴軒詩集

五絕

苦雪吟五首

焚書非秦火屬薪代爨琴雪聲厲庭竹清響折寒心
鏡體本無垢潔士或傷廉雪心何不淨區區累米鹽
貧病難為容天下士羞見白雪陶寫人朱穎時冷面
水火日熬煎酸醎藿半甕煮茶雪水甘煮飢雪水凍
雪景畫劍閣佳處在高寒一涉貧士境即為蜀道難

賦得月團七四章呈陳南麓右通政

中秋月團七我如江上女清光盼在君明月分機杼

中秋月團圓
嫦娥使人老
我妻非黔婁
蟾兔愁如擣
中秋月團圓
懷情何太缺
我有盤龍鏡
空在天邊月
中秋月團圓
拜月羨茗盃
月餅無一雙
夫妻情不滿

象箸詩三首賦謝寒谿編脩

日食無一錢
如何容下箸
明月大如盤
唯有清暉具
莫笑鼠無牙
賴此象有齒
多君貽象箸
換得太倉米
搜索到七箸
可知君食貧
三歛不能飡
一飯見古人

咏中秋錢三首賦謝沈麟洲

無錢月下弦
有錢月三五
缺陷此世界
一匕青銅補

一錢一明月
處處清光滿
情圓月亦圓
盈虧各在眼
謝爾沈郎意
贈我中秋錢
可憐兒女心
有錢如月圓

賦無衣四章贈唐赤子庶常

布衣卧不起
非以養名高
從來嵩阿人
散髮無同袍
解衣自推食
推食誰解衣
何如去荷蓑
歸守舊釣磯
明月照我膝
下裳不掩脛
謝君賦無衣
青錢兩串贈
君本楚布衣
今從大夫後
唯有天下士
不失布衣舊

咏墨三絕句贈馬象觀使君

惟此徑寸墨
盛世含幽光
閔之篋笥中
守黑慎行藏

笑我空著書不知世黑白長安雖日下客星抱晦月
當代逢使君精鑑見古人隻眼漆金碧草玄窺子雲

山女咏

舜花何所羨莫言如我類可憐風日好青春住青山
梅花單髻朶半髻沒情梳春色三分許芳年二十餘
十指空柔羨女紅不染手毛女負花枝採樵常洞口
喬亡嗟錯薪偏逢連理枝詩云咏伐柯女蘿安附之
生女不生男代父耘南畝虛言刺繡工秧針綠滿手
驅犢食芳草鶯花窈窕洲自嫌非織女河上效牽牛

野粧不照鏡痴情在眼睫畫眉都不識臨流看柳葉
空山產名花樵子眼不識將他束作薪如何我不泣
落花似有情鑑水憐吾潔鴛鴦我未窺交頸聞人說
空山誰好求洞口青春晚不若先學仙後世待劉阮
嘗見諸仙子俱是盛時類我若學仙晚何類仙子班

貧

晝寢愁夜眠貧病何年起紙價總不高文章如故紙

雪晴軒詩集

七絕

漂母

饑驅憑弔王孫事溝壑
難忘志士心一飯偶然成漂母
量難終歲食淮陰

昭君

漢宮將老昭君貌誰識
昭君貌漢無故使丹青污紅粉
天將國色嫁單于

弔讓皇從弔諸臣二絕

讓帝從弔有幾人豈無一士寶
親仁山僧自拔龍鬚去

不欲攀鱗墮小臣
流雲野鶴自為群
不是龍蛇扈晉文
明識讓皇生不返
但知大義死從君

籠鶴

臨風鶴性羞雌伏
柰困牢籠損羽毛
畧近依人來褻慢
不能自立失清高

春借方春坊又韓先生墨二匣
貨之濟急假得龍賓三十笏
換將龜貝四千枚
翰林身價能賒得
處士清名豈貨來

江上

江上行吟事已幽
清鷗款款赴沙頭
輕帆一往無停泊
臨水柴門到岸收

淮上二首

水落魚村出半扉
蘆花潦倒蓼花稀
黃昏水驛無人入
白鷺一行月下歸

就岸為居士竈支秋花入爨作晨炊
羨他澤國偏風味
白水調羹煮蛤蜊

送人之江寧合巵三首

江雲江雨亦何常采七名花入建康秋老江清好顏色
霜柑紅葉一枝黃

秋深南國隱蒹葭窈窕洲邊水草花明月憐君船泊處
鴈鴻對七聚圓沙

鳳皇臺上莫蹉跎萱草堂前幸早過北地東風苦難得
為傳梅信我如何

泊瓜渚三首

唱晚舟維瓜渚間臨流遠引白鷗閑鐘敲水面金焦寺
月上江東北固山

大山大水帶金焦况復長風打夜潮無數秋帆牽不住
芙蓉兩朶浪花高

一派秋聲上畫橈離人偏渡可憐宵玉簫月下聲三弄
缺板江東唱二喬

老僧

經誦蓮花千貝葉杜鵑萬歲一枝藤問他鶴筭何年月
云是南朝六代僧

買炭

只教室變一時春那願傾囊歲底貧傲骨不能寒乞態

青蚨一百買烏薪

淮北三絕

絕句每題山水窟筆端思入畫圖間
細看淮北水村上
畧少江南幾點山
最愛漁家樂
只且市來鹽菜裹
荷葉携瓶復去換青酒
紅蓼花穿一白魚
水客蕭々冷欲眠
秋帆落々月明間
一枝蘆花停輕鳥
盡醉漁翁卧釣船

空鑪

雪牕片々落梅堆
空鑪僅存不芋煨
縱得烏薪教室暖
那堪心只作寒灰

失膽

尋僧訪友意臨歧
欲北仍南足不知
白眼禪々人不見
汗額罪々揖何辭

江南曲五首

支公結客石門遊
老帶莊襟王謝儔
總是江南好山水
釀成江左一風流
六朝畫一長江策
國勢忘情丘壑耽
還靠周郎留石壁

與他半壁蔽江南
無情多如韓擒虜
鴛井紅絲鞦麗華
泉下不教從後主
風前推折後庭花
清談玉麈晉人風
南北方音自不同
却笑隋煬新度曲
也來捉鼻喚吳儂

遣興

讀書偏嬾尋章句
學劍猶慚敵一人
狂把毛錐殲項羽
醉焚詩賦火嬴秦

送客歸里四絕句

秋鴈南歸喜子歸
練江鷗白鯪魚肥
笑余不是遼東鶴
何事盧龍塞上飛

繁弦急柱送君行
軟頰清歌動客情
此去柔乾河上近
莫將玉笛弄秋聲

倦遊消渴年來病
何日離愁不憶家
最愛新安江上水
淺灘釣石坐煎茶
秋江客去意蒼涼
漁火孤舟帶夕陽
江上有余白板屋
可憐橘柚幾枝黃

床頭月

久客床頭怕月光
非關見月欲思鄉
雄心老態愁看月
十載風塵一劍霜

秋茹曲

城上新秋夜
聽茹太平萬里一
夷華劉琨月下徒清嘯
此日征人不憶家

枯竹

活看造化皆春色
莫道枯莖蒼翠收
明月到階生意動
時上弄影上墻頭

天街夜

城上清笳奏明月
天街不見一人行
萬方盡作太平夢
唯有宮雅月下驚

泊燕子磯懷程且碩時雖出禁猶在羈候也

燕子磯頭悵落暉
歸雲帶雁影依
故人雖已離
矧繳未得江天自在飛

網罟橫江已撒圓
魚竿局外立斜暉
可憐雙劍蛟龍合
一躍延津一未歸

舟過三汊河
舟人指塔云
往歲雷擊死一烏魚
其上

曾聞屋脊忽藏舟

景州風
交事

又怪河魚塔上遊却笑南人復

歸北廣陵城下水西流

買得石濤竹圖

買山買得畫中看片石深上竹數竿尺幅渭川千畝潤
石根竹裡放波瀾

揚州東裝六絕句

擊劍何如學捕魚東裝未果且攤書荒唐一讀桃源記
也是幽人夢卜居
愁絕南歸不當歸秋風又此整征衣孤雲出岫豈忘返

尖却故山無翠微

燕子磯頭弘濟寺那能茅屋兩三間半農半士餘生了
身歸完人一破額

匡廬萬仞高無民瀑布九疊少寸鱗後世象父莫洗耳
草屋半間不讓人

香椽一顆菊三枝黃間深紅白更宜秋色豈堪行色裡
幽情偏在客情時

此日竹西空去留當年杜牧古揚州可憐秋後隋堤柳
無復青衫繫客舟

春水亭留別寶應吳明府乾玉

徘徊雙鶴足淹留春水亭
花九月秋天際雁南人獨北
歸心翻覺起離愁

發寶應雨野泊

片帆日暮蓼花東
人面滿秋水面風主僕蓬窓無一語
雁聲淒絕雨聲中

日暮未致淮數里登岸清眺

扁舟老子獨幽尋
兩岸天空一片心
水外無山沙有雁
夕陽盡處見淮陰

舟過岸花下作

倚枕翻書作卧遊
舟行如畫寫清秋
岸花流水窓前過
不盡名園與廢丘

茅檐

斷岸茅簷荻作墻
柴門甕牖漏秋光
何如沒入公卿宅
空有春歸燕繞梁

湖天

蕭瑟秋盡荻蘆刪
心跡湖天杳渺間
沙水混然如大漠
悠悠落日不啣山

水邊二首

水邊籬下見紅粧
人面芙蓉艷夕陽
絕岸不通潮信杳
但來冷蝶撲秋光
一樹梧桐古渡頭
詩人老去獨悲秋
村姑不曉題紅葉
搖落芳年任水流

清江浦

可憐秋色淮陰盡
兩岸秋花滿眼貪
愁絕江關如出塞
黃河一線界天南

舟中有問余屬何宦籍者
時見一水鳥咏而答之

不事王侯自等儔
清淮濯足亦名流
我非濁世佳公子
笑指黃河一白鷗

老眼

歲月於人不肯閒
春光秋色變蒼顏
可憐老眼分明甚
天際纖毫見白鷗

過宿遷作

盡說沛公芒碭隱
上多龍席氣成形
霸圖濶視英雄處
惟有重瞳眼獨青

弘濟寺

泯滅梁陳餘古寺白雲煙樹錦帆幢千年鉄屐沉沙底
翠屏紅樓鎖大江

廣陵城下作水雲歌留別同人
水雲澹々復依々水去悠悠雲亦飛蓬向西流非本性
終當曲折作東歸

上方寺泉

洗心叩齒禮空王淨土名泉寺上方玉甃有天清見底
竹根翠滴石根香

古柏

花鳥文章畫一刊總於根柢氣堅完么紅翠黛誅鋤盡
獨與春王盟歲寒

兖州道中於人屋後見一小山可入倪迂畫意
數點青々樹影間高低屋後白雲閑愛他平澹骨嶮峯
不似堆成土肉山

樹根

邨落初冬蔓草荒土墻缺處棘籬防樹根一個茅亭畔
剝却秋花數點黃

樹外

車中恍惚舟中蕩如見江湖慰客心
樹外遠天看似水
空青鳥影乍浮沉

渡藍河數里即不見東阿山色陰晦也
迴首扁舟境界分仙源不見但空聞
非關鷄犬來麻異
只是無山少白雲

曉發見橫岡數里紅葉

天體如球日月環九州
勺米太倉間岡岫雲樹星辰沒
日出扶桑看赭山

曉望

四海天垂日月捫中懸
碧絡淨無痕青上齊魯看不了
樹外層雲烟外邨

山雲

樹沒山根漸落暉
山根山色乍霏
山雲如絮幾圍出
漫衍江天白浪飛

聞雁

誰云馮諼出無車
亦有處士歸無廬
哀鴻叫月不肯住
客子挑燈時一吁

苦雨短歌歎之

無車那可出泥塗
婦歛於室門催租不浸愁
城只三版
千言敵得一錢無

賦得平山第五泉壽某丈

頌禱如岡賦蜀岡
源上蜀脉石根香
何須春酒介眉壽
第五泉曾六一嘗

孫德州見答乞米行
兩用淵明范叔事
然實不知
兼病此也復賦小詩呈之

閉戶先生絕四鄰
如何不出動經旬
那知處士飢寒併
范叔淵明合一人

金臺秋日送紙裘生金壽門二絕

竹西相逢唱竹枝
九月金臺又別離
秋聲樹上無情甚
都入多愁宋玉詩

蕭上木葉送君行
襖被西風傲骨撐
佳士不為人冷暖
布衣自號紙裘生

國工二首

秋水芙蓉春水梅
夕陽初月一枝開
淡然至足羞紅粉
天上霓裳不剪裁

萬卷牙籤笑蠹蟲
點睛飛去豈雕龍
太羹調就鹽梅一

玄酒釀成糟粕空

蹉跎

富在文章貧在身卑於處世高無民不覺蹉跎一生事
只知尚論千古

引樹齋六絕

有引

岸圃僦居孫公園面南而其西雖空曠然有孤撐
遠引之勢則十丈老樹一株也隔墻更出花樹數
株客初到門不辨園亭乔木為二宅主人亦居之
不疑而君子之虛居也如是乎

家園松菊已荒蕪未卜楊雄宅一區僦得孫公園裡屋
過墻花樹不須租

借境何妨處境同月明花鳥有無中空庭老樹如何得
月落墻西樹影東

鳥踏枝頭枝欲斜恍如竹影弄窓紗看來景物依稀好
簾裡美人簾外花

裁取詩篇賦斷章數枝半樹出西墻無花亦有可人態
及襯紅粧艷夕陽

分明夢眼醒模糊遠舍溪流竟到厨洞口桃花多假借

畫圖烟水半虛無

垂老長安客裡家
荒園嘉樹借年華
枝上烏夜下宿
歲上自開無主花

謁某侍郎不遇口占二截

馬首儒冠士氣灰
上書光範笑空回
青鞋不踏蒼苔去
徒踏紅塵十丈來

淺草猶堪竄鹿麋
尺波亦可浴鳧鷖
今威終化遼東鶴
梅福行將隱會稽

題聽泉圖作旁置一琴不彈畫之善寫音者也

百尺流泉聽作琴
滄浪孺子只初心
伯牙不必彈流水
淡泊中皆太古音

送王天錫歸隴西二首

君返西秦我淚流
國門送客唱梁州
王郎慎勿歌揚州
樹上秋聲宋玉愁
吞聲不肯飲深杯
懷抱如君心竟灰
一劍出門還一劍
匣中長嘯未曾開

夢

客心如逐走如麋
唯有悠然夢裡身
獨往幽人何坦上

芙蓉岸上自無塵

寓言

寓言不能為直說笑彼有鼠食不潔卧雪高人難錦衾
春溫梅花羞夏熱

江冠群花燭詩

鳳皇城上玉簫聲仙史乘鸞下鳳城仙子淡粧淡無極
遠山眉黛寫初晴

題沈麟洲秋林覓句圖

沈郎身瘦詩情瘦宋玉愁多秋更悲却笑三年詩興絕

從何覓句與君題

又題尋源圖

瀟洒無心舟自橫一竿一笠一瓢輕與君他日名山約
萬丈天台瀑布撐

題王清淮畫竹

凡規矩之文摹仿之畫皆不有余先友王清淮之
天趣者也京江張展野出此為余潤筆以序其詩
亦天趣者乎

不階尺土枝高枝有葉無枝意補之脫畧自如成濶節

竿上天縱絕無師

晨炊

晨炊水火惡如焚莫教憂煎百感薰方寸豈無塵一點
太虛原不碍孤雲

題程跋渙舟載菊圖

半似嚴光又不真魚竿何處見斯人菊花豈是渙舟物
反面淵明寫後身

題穎某索句圖送其之浙江縣任三首

蒼苔瘦石自塵清跌坐幽人物外情笑我買山空畫裡

畫中索句送君行

行也暑退入新涼如畫湖山橘柚香穎子家風原陋巷

訟堂兼作讀書堂

六橋花柳昔年春讀書行吟豈後身天下士材非百里
宦遊人即是詩人



Handwritten text in vertical columns, likely bleed-through from the reverse side of the page. The characters are faint and difficult to decipher.

Handwritten text in vertical columns, likely bleed-through from the reverse side of the page.



